

# হেমানন্দ বিশ্বাসের গান

---

নির্বাচিত গানের সংকলন

পরিবেশক

প্রগদী

১২ বঙ্কিম চ্যাটার্জী স্ট্রীট কলকাতা ৭০০০৭৩

---

*Hemanga Bishwaser Gaan*

প্রথম প্রকাশ । সেপ্টেম্বর, ১৯৮০ ॥

কপি রাইট । শ্রীমতী বাণু বিশ্বাস ।

প্রকাশক । মাস সিঙ্গার্সের পক্ষে চন্দন মেন । ১৯/৭ নাকতলা মেন ॥

কলকাতা ৭০০০৪৭ ॥

মুদ্রক । পৃথ্বীশ সাহা । অমি প্রেস । ৭৫ পটলডাঙ্গা স্ট্রীট ।

কলকাতা ৭০০০০৯

প্রচ্ছদ । দেবব্রত মুখোপাধ্যায় ॥

---

## প্রকাশকের কথা

দেৱীতে হলেও মাস্‌ সিজার্স-এর পক্ষ থেকে এই বইটি প্রকাশ করতে পেরে 'আমরা গর্বিত। গ্রাম, নগর, মাঠ, পাথার যেখানেই আমরা এই গানগুলি পরিবেশন করি, অনুষ্ঠান শেষে অনেকেই আমাদের জিজ্ঞাসা করেন—আপনাদের কোনও বই আছে কি? যেখানে গানগুলি পাওয়া যায়। আমাদের সেই নীতি-বাচক উত্তরকে ইতিবাচক করার উদ্দেশ্যেই এই গ্রন্থের প্রকাশ।

গণনাট্য আন্দোলনে ছোটবড় অগণিত গীতিকার একসময় তাঁদের গান চারিদিকে ছাড়িয়ে দিয়েছিলেন। তাঁদের মধ্যে হেমাঙ্গ বিশ্বাস একজন প্রথম সারির স্রষ্টা। বিগত চল্লিশ দশক থেকে আজ পর্যন্ত তিনি তাঁর কলম এবং কণ্ঠ নিয়ে অগ্নান। আর কঠিন প্রজ্ঞায় স্থির। তাই গত চারদশক ধরে তিনি দেশ-কাল ও সময়কে কেন্দ্র করে এত গণসংগীত রচনা করেছেন যা একটি গ্রন্থে প্রকাশ করা সম্ভব নয়। তাই আমরা নির্বাচন করতে বাধ্য হলাম।

সংগীত পরিবেশনের ক্ষেত্রে তাঁর চিন্তা সবসময় শুধুমাত্র সংগ্রামী জনতাকে সামনে রেখেছে। তাঁর সৃষ্টিশীলতা তাই কখনও অন্যদিকে বাঁক নেয়নি।

চার দশক ধরে যে শিল্পীকে আসাম ও বাংলার জনসাধারণ গণনাট্য আন্দোলনের প্রথম সারিতে দেখে এসেছেন, শুধু সংগীত রচনাই নয় পরিবেশনা-তেও তিনি আজও সজীব। আজও তিনি মাস্‌ সিজার্স-এর সহশিল্পীদের নিয়ে অপসংস্কৃতির বিরুদ্ধে অক্লান্ত লড়াইয়ে রত। সেই বর্ষায়ান শিল্পীর নির্বাচিত গানগুলি গ্রন্থাকারে প্রকাশ করা আমাদের প্রাথমিক দায় বলে মনে করি।

চল্লিশের দশকে 'কান্তেটারে দিয়ে জোরে শান'এ যাঁর সংগীত জীবন শুরু, তেভাগা সংগ্রামের পথ বেয়ে তেলেঙ্গানার পথে 'মাউন্টব্যাটন্‌ মঙ্গলকাব্যে' তাঁর সংগীত জীবনের সফল পরিণতি।

পঞ্চাশের দশকে তাঁর গানে যেমন দেশবিভাগের যন্ত্রণা অনুভব করি ঠিক তেমন সংগ্রামের কঠিন শপথে উদ্দীপিত হয়ে উঠি। ইতিমধ্যে পঞ্চাশ দশকের শেষভাগে তিনি দীর্ঘদিন চীন দেশে কাটিয়ে এসেছেন। গীতিকার হিসেবে তাঁর ওপর এর প্রভাব অপরিসীম।

ষাটের দশকে কল্লোল, তীর, লাল লঠন প্রভৃতি বিপ্লবী নাটকে সংগীত পরিচালক হিসেবে আমরা তাঁকে নতুনভাবে পাই। লাল লঠন নাটকের সংগীতে

বিভিন্ন রকম চীনা সুর ব্যবহার করলেন তিনি। যা তাঁর শিল্পী জীবনের একটি উজ্জ্বল বিবর্তন। এই সময় তাঁর পরীক্ষা নিরীক্ষার একটি অসাধারণ ফসল হলো ‘শঙ্খচিলের গান’।

সত্তর দশকে আমরা তাঁকে পাই আন্তর্জাতিক শ্রমিকশ্রেণী ও প্রগতিশীল-মানুষের বিশ্ববিখ্যাত সংগ্রামী গানের সুর অক্ষুণ্ন রেখে বাংলার সার্থক অনুবাদক রূপে। মূল চীনা ভাষা থেকে বাংলা ও অসমীয়া ভাষায় সংগীত রূপান্তরের তিনিই সম্ভবত পথিকৃত।

এই সংকলনে গণ সঙ্গীত ছাড়াও ভিন্ন ধর্মী ও স্বাদের কয়েকটি গান আছে। এই গানগুলির বৈশিষ্ট্যের জন্যই আমরা এখানে সংযোজিত করেছি।

অনেকেই বইটি হাতে পেয়ে স্বরলিপি়র অভাব বোধ করবেন। কিন্তু এত গানের সঙ্গে স্বরলিপি যোগ হলে এই গ্রন্থের যা মূল্য হবে, তা স্বাভাবিক ভাবেই সাধারণ মানুষের ক্রয় ক্ষমতার বাইরে চলে যাবে। তাছাড়া মাস্ সিস্গার্স-এর অনেক গানের সুর ইতিমধ্যেই চারদিকে ছড়িয়ে পড়েছে। তাই স্বরলিপি সংযোজনের পথ আমরা আপাতত পরিহার করছি। ইচ্ছা আছে এই গানগুলির স্বরলিপি সহ খণ্ডে খণ্ডে কয়েকটি গ্রন্থ প্রকাশ করার।

পরিশিষ্টে হেমাঙ্গ বিশ্বাসের গান ছাড়া যাঁদের গান দেওয়া হয়েছে ‘মাস সিস্গার্স-এর শিল্পীরা আজও অন্তর দিয়ে এইসব গান গেয়ে থাকেন। কিন্তু এসব গানের গীতিকারদের কাছে গিয়ে তাঁদের গান প্রকাশের অনুমতি আমরা নিইনি। তা কিন্তু শ্রম বাঁচানোর জন্য নয়। আমাদের বিশ্বাস শ্রমিক ও কৃষক শ্রেণীকে কেন্দ্র করে, আন্তর্জাতিকতা বোধে উদ্ভূত হয়ে এসব গান যাঁরা লিখেছেন তাঁরা চান গানগুলি ছড়িয়ে যাক।

এই বইটির প্রচ্ছদ হেমাঙ্গ বিশ্বাসেব অনুরাগী বন্ধু সর্বজনপ্রিয় শিল্পী দেবব্রত মুখোপাধ্যায় অত্যন্ত উৎসাহের সঙ্গে অসুস্থতা সত্ত্বেও এঁকে দিয়েছেন বলে মাস সিস্গার্স তাঁর কাছে চরকুত্তজ।

সর্বোপরি এই গ্রন্থ প্রকাশ করা হয়তো সম্ভব হত না যদি না কবি কমলেশ সেন ও মুদ্রক পৃথ্বীশ সাহা বইটির গুরুত্ব বুঝে উৎসাহের সঙ্গে এগিয়ে না আসতেন। মাস সিস্গার্স এঁদের কাছেও কৃতজ্ঞতা পাশে আবদ্ধ।

## সূচিপত্র

- ভেদি অনশন মৃত্যু ১  
কুশদেশের কমবেড় পেনিন ২  
পুষ দিক লাল ৩  
আরো বসন্ত বহু বসন্ত তোমার নামে আসুক ৪  
এই সমাপ্তিতে ৫  
বাগ্মী বড় মৃত্যু ৬  
জন ব্রাউনেব দেহ শুয়ে ৭  
আমবা কববো জয় ৮  
টগবগ ধাবমান অশ্বখুবে ৯  
কল্লোল ১০  
লক্ষর ছাড়িয়া নাও-এব দে ১২  
কাবাগাব বন্দী ১৩  
দীবে বহে ইয়াংসি ১৪  
সাগরযাত্রা নাবিক নির্ভব ১৫  
শঙ্খচিল ১৬  
ফুলগুলি কোথায় গেল ১৮  
ভারতের তিমালয়েব এক শিশু দেবদাক ২০  
মহানগরীর রাজপথে যত রক্তের দ্বাক্ষব ২১  
আমি যে দেখেছি সেই দেশ ২২  
জালিনাবাগেব জালালাবাদের ২৪  
আমরা তো ভুলি নাই শহীদ ২৫  
তিব্বতী গান ২৬  
জন হেনবী ২৭  
মাউন্ট ব্যাটেন মঙ্গল কাবা ৩০  
বেহলাব ভেলায় ৩৪  
বাংলা বচায় ৩৫  
আমি যাই শাওশান ৩৬  
বাঁচবোবে বাঁচবো ৩৭  
ভাঙা বাংলাব তার-টেঁড়া পাউল ৩৮  
অজ্ঞাদা হব ন আজও তোর ৪০  
চীনেব একটি লোকগীতি ৪১  
তোব মরাগাঙে আঁতল এবার পান ৪২  
ঢাকাব ডাক ৪৩  
হুগিগেব জালালা কইতর ৪৬  
তোবা বল সখী বল ৪৭

পদ্মা কও, কও আমাবে ৪৮  
 মন কান্দেবে পদ্মাব চরের লাইগাং ৪৯  
 লাল লণ্ঠন নাটকের গান ৫০  
 গুলিবিদ্ধ গান যে আমার ৫৩  
 এগিয়ে চল মুক্তিসেনা ৫৪  
 এ মাটিব এই গুলিকণায় ৫৫  
 আমার গায়ের শীর্ণ নদী ৫৬  
 মুক্তি শিবাবে ঠাকে বিউগল ৫৭  
 তোরা যে মাতৃমুক্তি-মন্ত্রী ৫৮  
 আমাব যুগের যুগ্ম ওবে ৫৯  
 কান্টোটে দিও জোবে শান ৬০  
 উদয় পথের যাত্রী ৬১  
 ঘোব তমসা ভেদি ৬২  
 প্রাণের বদলে চাই প্রতিদান ৬৩  
 মিলিত প্রাণেব রুদ্ধ দেউলে ৬৪  
 তবু মৃত্যু এসেছে ববাভয় ৬৫  
 আজব দেশের আজব লীলা ৬৬  
 তেলেছানা তেলেছানা ৬৮  
 হাবাধন রঙমন কথা ৬৯

## পরিশিষ্ট

প্রতিধ্বনি শুন ৭২  
 গাকিলে ডোবাগানা হবে কচুরিপানা ৭৬  
 ওবা আমাদের গান গাইতে দেয় না ৭৭  
 ফিবাইয়া দে দে দে মোদেব কাঠযুব বন্ধুদেবে ৭৮  
 ঢেউ উঠেছে কারা টুটেছে ৭৯  
 দীব প্রধান ও, বীব প্রধান ও ৮০  
 দুই দুই বনধারে সারি সারি গ্রামরে ৮১  
 মের জ্ঞান প্রাণ ই লাল ধান আছা রে ৮২  
 যুগ্ম গাদাল হামরাঙলা ভাওয়াইয়া গান গাই ৮৩  
 শতফুল বিকশিত হোক ৮৪  
 ছঁশিয়ার ৮৫  
 কমরেড শোন বিউগল এ ইঁকছে বে ৮৭  
 আন্তর্জাতিক ৮৮

গণসঙ্ঘীতের পুরোধা  
রবীন্দ্রসঙ্ঘীতের শ্রেষ্ঠ রূপকার  
আমাদের জর্জদা-কে





## ভেদি অনশন মৃত্যু

ভেদি অনশন মৃত্যু তুষার তুফান  
প্রতি নগর হতে গ্রামাঞ্চল  
কমরেড লেনিনের আহ্বান  
চলে মুক্তি সেনাদল ॥

অতিক্রান্ত ঐ প্রান্তর গিরিদুর্গম  
পূর্ব সীমান্তে ধায় পল্টন  
প্রাইমোরিয়ার শেষ দুর্গে  
আশ্রয় নিয়েছে দুষমন ॥

যুদ্ধলাঞ্ছিত বিবর্ণ লাল পতাকা  
মহাগোরবে উর্ধ্বে উড়ীন  
সদ্যসিন্ত রক্তের রঙে  
হলো সহস্রগুণ রঙীন ॥

চিরস্মরণীয় ইতিহাসে সেই মহাদিন  
নিখিল বিশ্বে সে কাহিনী প্রচার  
মহাবিক্রমে লাল পল্টন  
শেষ দুর্গ করে অধিকার ॥

নিশিচ্ছ হলো শত্রুসৈন্য  
জাহান্নামে দস্যু বিলীন  
প্রশান্ত সাগর তীরে  
শ্রমিক পতাকা উড়ীন ॥

### অনুবাদকাল / ১৯৪৯

মহান অক্টোবর বিপ্লবজাত শ্রমিকশ্রেণীর প্রথম বাস্তবিক রক্ষার যুদ্ধে লালপল্টনকে প্রাণের রসদ যুগিয়েছিল যে কয়টি গান—তার মধ্যে এটি অন্যতম। গৃহযুদ্ধের সময় সোভিয়েত ইউনিয়ন-এবং পূর্বপ্রান্তে যুদ্ধরত লালপল্টনের একটি বাহিনীর অধিনায়ক কর্নেল আলেকজান্ডার একটি লোকগীতির সুরে এই গানটি রচনা করেন। সেই অবধি পৃথিবীর শ্রমজীবীশ্রেণীর প্রাণের ভাঙারে এই গানটি অমূল্য রত্ব হিসাবে সঞ্চিত আছে।

## ৰুশদেশৰ কমৰেড লেনিন

অনুবাদ : বিবু দে      সূত্রারোপ : হেমাঙ্গ বিশ্বাস

ৰুশ দেশৰ কমৰেড লেনিন

পাথৰেৰ কবৰে শয়ান

পাশ দাও কমৰেড লেনিন

আমাকে যে দিতে হবে স্থান ॥

আইভান আমি চেনা চাৰী

মাটি মাথা দু'পা আমার

লড়েছি তোমার তরে কমৰেড

কাজসারা হয়েছে এবার ॥

আমি চিকো কালো কাফী

রোদে আখ কাটি মুঠি মুঠি

বৈঁচেছি তোমারি তরে কমৰেড

আজকে আমার হলো ছুটি ॥

চাং আমি লোহাশাল থেকে

সাংহাই-এর পথে ধর্মঘটে

বিপ্লবের তরে অনাহারে

লড়ি, মরি, ডরি না সংকটে ॥

লেনিন শতবাৰ্ষিকীতে দূৰ সন্মোজিত ।    নিগ্ৰোণবি Lanston Hughes-এৰ Comrade  
Lenin of Russia কবিতাৰ অনুবাদ ।

## পূবদিক লাল

( তুং-ফাং-হোং )

পূবদিক লাল সূর্যের আভাষ  
বিশ্বের শোষিতের মন রাঙায়  
সেই সূর্যের নাম মাও সেতুঙ  
হুআর হেইয়া—চিন্তা তার ছড়ায় আগুন ॥

মাও সেতুঙ মোদের হাতা  
নয়াচীনের রূপকার মহানির্মাতা  
সম্মুখ সাগর হতে পার  
হুআর হেইয়া—মাও মোদের কর্ণধার ॥

কমিউনিস্ট পার্টি আলোর নিশান  
বিপ্লবী বিশ্বের দুর্জয় গান  
সাম্রাজ্যশাহীর অস্তিমকাল  
হুআর হেইয়া—মুক্তির উজ্জ্বল সকাল ॥

অনুবাদকাল/১৯৭১

মাও সেতুঙ-এর নেতৃত্বে ঐতিহাসিক লং মার্চের অন্তে সেন্সি প্রদেশের উত্তরাঞ্চলে মুক্তি-  
বাহিনী পৌছনোর পব সেখানকার সম্মুখ ভূমিদাস লোকশিল্পী লিউ উ-বান এই গানটি  
সেই অঞ্চলের লোকগীতির সুবে বচনা করেন। সারা চীনে বিপ্লবীদের মধ্যে সে সময় এ গানটি  
ছড়িয়ে পড়ে। নতুন চীনের এটি একটি প্রিয়তম গান। আনুষ্ঠানিক প্রারম্ভ-গীত। চীন  
উৎকৃষ্ট প্রথম স্পটনিকের মধ্য থেকে এই গানটির সুরই মহাকাশে প্রতিধ্বনিত হচ্ছিল।

আঁধো বসন্ত বহু বসন্ত তোমার নামে আসুক  
মাও সেতুঙ-এর মঞ্চপ্রয়াণে

আরো বসন্ত, বহু বসন্ত  
তোমার নামে আসুক,  
তুমি তো সূর্য অন্তবিহীন  
চির জাগরুক ॥

ঝড়ের রাতে, ক্ষিপ্ত বাতাসে  
ঢেউ যদি ওঠে—উঠুক  
পূর্ব দিগন্তে জাগরী নাবিকের  
দীপ্ত মশাল মুখ ।  
চির জাগরুক ॥

কারাগারে বন্দীর বন্দনায়  
গভীর অরণ্যে, গেরিলার পথচলায়

আফ্রো-এশিয়ায়, লাতিন আমেরিকায়  
দাবানল জ্বলে—জ্বলুক ;  
চলমান তব, বিজয়ী সেনাদল  
হাতে হাতে বন্দুক ।  
চির—জাগরুক ॥

## এই সমাধিতলে

এই সমাধিতলে কত প্রাণপ্রদীপ জ্বলে,  
এই সমাধিতলে  
হাজার মাণিক উজলে ।

মৃত্যু হেথায় মহান হলো  
জীবন অনুরাগে,  
নিগূহীত স্বপ্ন হেথায়  
সত্য হয়ে জাগে ॥

এই মাটিতে গভীর ক্ষতে  
মৃতবুধির দাগে,  
উঠলো ফুটে হাজার ফুল  
লালফুলের এই বাগে ॥

ঘাতক রাতে আঁধার-অসি  
যাদের বক্ষ হানে  
পূর্বাচল আজ মুখরিত  
তাদের জয়গানে :

তুষার ঝড়ে প্রাণের আগুন  
জ্বালিয়ে গেল সবে  
বিশ্ব আজি মেলে সেথায়  
বসন্ত উৎসবে ॥

ক্যান্টন, রচনাকাল/১৯৫৭

পৃথিবীর শ্রমিকশ্রেণীর ক্ষমতা দখলের সংগ্রামে দুটি কমিউনের নাম চিরস্মরণীয়। একটি ১৮৭১ সালের প্যারিস কমিউন অণ্ডটি ১৯২৭ সালের ক্যান্টন কমিউন। প্রথম কমিউন রুশ বিপ্লবের সাফল্যের ও দ্বিতীয় কমিউন চীন বিপ্লবের সাফল্যের পথের নির্দেশ দেয়। ক্যান্টন কমিউনকে দমন করতে চিয়াং কাই শেখ মার্কিন, ফরাসী ও ব্রিটিশের সহযোগিতায় সাত হাজার কমিউনিস্ট ও তাদের সহগামীদের হত্যা করে। মুক্তির পর শহীদদের স্মৃতিতে যে বিরাট শহীদবেদী ক্যান্টনে গড়া হয় তার নাম, হোং-ছ্যা-কাং বা 'লালফুলের বেদী'। কমিউনের ৩০ বৎসর পুঁতি উপলক্ষে ১৯৫৭ সালে এই কমিউনে অংশগ্রহণকারী প্রয়াত ভাইস প্রেসিডেন্ট তুং পি-উ-র সভাপতিত্বে যে অনুষ্ঠান হয়, তাতে আমন্ত্রিত এই গীতিকার তখন এই গানটি রচনা করেন।

## ঝাঞ্জা ঝড় মৃত্যু

ঝাঞ্জা ঝড় মৃত্যু ঘিরে আজ চারিদিক  
অন্ধকারের চক্রান্ত কঠিন,  
তবু সংগ্রামে চলো উদ্দাম নিভাঁক  
রক্তপতাকা হাতে উর্ধ্বে উড্ডীন ॥

কোরাস

তাই সম্মুখপদভরে, মজদুর বাহাদুর  
দুনিয়ার শোষিতের মুক্তিপথে,  
বিশ্বের মানবতার অস্তিম যুদ্ধে  
চলো চলো ভেদি মরু গিরি সমুদ্র ॥

শোন ঐ নারী শিশুর ক্ষুধার্ত ক্রন্দন  
আমরা কি রব শুধু নীরব শ্রোতা  
শত্রুর শিবিরে হানো হানো প্রহরণ  
হোক না নিহত রণে বন্ধুপ্রাণ ॥

যত সাম্রাজ্যের শিরের মুকুট  
ধূলিতলে হবে আজ অবনত  
বিশ্বের অধিকারী শ্রমজীবী সন্তান  
মানুষের মুক্তির দিন আগত ॥

অনুবাদকাল / লেনিন শতবার্ষিকী

এই শতাব্দির প্রথমদিকে পোলাণ্ডের ওয়ারশ নগরের ( তখন রাশিয়ায় অধীন ) শ্রমিকশ্রেণীর  
জীবন বিকল্পে সশস্ত্র বিদ্রোহ থেকে এ গানটির জন্ম। কণ ভাষায় এ গানের নাম  
“ভার্সাভিয়াঙ্কা”—ওয়ারশ নগরের নাম থেকেই। লেনিনের অতিপ্রিয় গানগুলির মধ্যে এটি  
ছিল অগ্ৰতম। মৃত্যুর কয়েকদিন আগেও এ গানটি তাঁকে গুণ্গুন করতে শোনা গেছে।

## জন ব্রাউনের দেহ শুয়ে

জন ব্রাউনের দেহ শুয়ে সমাধিতলে  
তাঁর আত্মা বহিমান ।

কোরাস { শহীদের জয় জয় গান—  
          { শহীদের জয় জয় গান—  
          { শহীদের জয় জয় গান—  
          { তাঁর আত্মা-বহিমান ॥

নিগ্নো মুক্তির তরে জন ব্রাউনের আত্মদান  
তাঁর আত্মা বহিমান ॥

শহীদের জয়.....আত্মা বহিমান ॥

মহাকাশে তারকারা প্রহরারত—

(যেথা) জন ব্রাউনের দেহ শায়িত ।

শহীদের জয় .....আত্মা বহিমান ॥

আমেরিকার গণমনে জাগে অপলক—

শহীদ জন ব্রাউনের সমাধিফলক ॥

শহীদের জয়.....আত্মা বহিমান ॥

অনুবাদ : ১৯৭২

জন ব্রাউন (১৮০০-১৮৭২) দরিদ্র খেতাজ বিপ্লবী, যিনি প্রথম বর্ণবিষেবের বিরুদ্ধে কৃষাজ নবনারীর সঙ্গে দাঁড়িয়ে প্রাণ আততি দেন। তিনি ঘাঁটি থেকে দাস মালিকদের খেঁটো-গুলিতে সশস্ত্র আক্রমণ করে ক্রীতদাসদের মুক্তি দিতেন। হার্পাস ফেবী নামক স্থানে এই রকম একটি সংঘর্ষে তাঁর হৃদি ছেলে সহ এতুশজন খেতাজ ও কৃষাজ সঙ্গীদের অধিকাংশই নিহত হয়। জনব্রাউন আহত অবস্থায় ধরা পড়েন। ১৮৭৩ সালের ২রা ডিসেম্বর তাঁর ফাঁসি হয়। তিনি হয়ে ওঠেন এক কাহিনী। পৃথিবীর বহু ভাষায় গানটি অনুদিত হয়েছে। এই লোকগীতটি বিশ্বের প্রগতিশীল মানুষের একটি প্রিয়তম গীত—যার আবেদন চিরন্তন।

আমরা করবো জয়

আমরা করবো জয়

আমরা করবো জয় নিশ্চয়

আহা বুকের গভীর আছে প্রত্যয়

আমরা করবো জয় নিশ্চয় ॥

আমাদের নেই ভয় (৩) আজ আর

আহা বুকের গভীর আছে প্রত্যয়, আমরা করবো জয় নিশ্চয় ॥

আমরা নই একা (৩) আজ আর

আহা বুকের গভীর আছে প্রত্যয় আমরা করবো জয় নিশ্চয় ॥

সত্য যে সাথী, (৩) (মোদের )

আছে মুক্তির পথ বক্ষপাতি

সত্য যে মোদের সাথী ॥

অনুবাদকাল / ১৯৬৫ সাল

আমরা করবো জয় (We shall overcome) সমগ্র আমেরিকার বর্ণবিদ্বেষনীতির বিরুদ্ধে এবং কৃষ্ণাঙ্গ মানুষের নাগরিক অধিকারের দাবিতে কৃষ্ণাঙ্গ ও শ্বেতাঙ্গ মানুষের ঐতিহাসিক সমাবেশগুলির মধ্যে গানটির জন্ম। মার্টিন লুথার কিং জুনিয়র হবার সময় এ গানটি মিছিলে সবাই একসাথে গাইছিলেন। কোলকাতায় বিশ্ববিশ্রুত মার্কিন লোকসংগীত শিল্পী পিট সিগার এ গানটি প্রথম প্রচার করেন।



টগবগ ধাবমান অশ্বখুরে ৷

টগবগ টগবগ ধাবমান অশ্বখুরে

প্রাস্তরে ধুলি ওড়ে—

নীল আকাশে মেঘের পালে

বুনো হাঁসের পাল্লা দূরে ॥

কোন সে মায়াবী দেশ কিবা তার নাম

বিস্ময়ে শুধাও তুমি

গর্বভরে বলবো তোমায়

সে যে মোর জন্মভূমি ॥

মাও সেতুও আর কমিউনিস্ট দল

শোষকের করেছে নির্মূল

মুক্তি ফোঁজের কুচকাওয়াজে

প্রাস্তরে ফটেছে ফল ॥

অনুবাদকাল / ১৯৭১

অন্তর্মজলীয় লোকগীতি। মূল চীনা ভাষা থেকে অনুবাদ। মুক্তিবাহিনী অন্তর্মজলীয়াকে মুক্ত করার পর এই গানটি রচিত।

কল্লোল .

বাজে ক্ষুর ঈশানী ঝড়ে রুদ্র । বষণ  
ইনক্কাবী আহ্বান—  
নিথর জলধিজলে জাগে উত্তরোল  
বিষ-মহুনে ওঠে জীবন হিল্লোল  
কুর বন্ধন ভেঙে ভেঙে তরঙ্গ রঙ্গে ওঠে  
সমুদ্র কল্লোল, উঠিল সমুদ্র কল্লোল ॥ ২

বিদ্রোহী জাহাজ জঠরে  
বয়লারে বয়লারে জ্বলন্ত অঙ্গারে  
আগুনের ফুল্কিতে নাবিকের প্রাণে প্রাণে  
জ্বলিল মশাল  
প্রাণে প্রাণে জ্বলিল মশাল ॥ ২

সৌদীন ছেচিল্লিশের শীতের কুয়াশা  
ভেদি গোলামীর ঘোর অমানিশা  
চূর্ণ করি কংসের কারাগার  
সচর্কিত সাইরেনে নব অঙ্গীকার  
আরব সাগরবাহী অতলান্তজয়ী  
বোম্বাই বন্দরে বিদ্রোহী 'খাইবার'  
ভিড়িল বিদ্রোহী 'খাইবার' ॥ ৩

হাঁকে শাদুল সিং গফুর  
বীর শাদুল সিং গফুর  
কে আছ বাহাদুর  
কামান গর্জনে  
কামগার ময়দানে  
রাজপথে ব্যারিকেডে সশস্ত্র মজদুর  
দাঁড়ালো সশস্ত্র মজদুর ॥

দরিয়ার ডাকে দিল সাড়া মহাভারতের জনতা;  
উত্তাল ঢেউ-এ ঢেউ-এ কল্লোলিত মহানগর কলকাতা  
কল্লোলিত মহানগর কলকাতা ॥ ৩

নীল সমুদ্র লাল করে গেল  
নাবিকের রক্তধারা ।  
তোমরা কি শূন্যে রক্তের ঋণ  
অলক্ষ্যে শূন্যে তারা ॥

দরিয়ার ডাকে দিল সাড়া মহাভারতের জনতা  
উত্তাল ঢেউ-এ ঢেউ-এ কল্লোলিত মহানগর কলকাতা  
কল্লোলিত মহানগর কলকাতা ॥ ৪

১৯৬৫ মার্চ থেকে ১৯ ৭ সেপ্টেম্বর পর্যন্ত মিনার্দা থিয়েটারে উৎপল দত্ত রচিত ও পরিচালিত  
ও লিটল থিয়েটার প্রযোজিত যুগান্তকারী কল্লোল নাটকের প্রস্তাবনা গীত হিসাবে রচিত  
ও গীত ।

লঙ্গর ছাড়িয়া নাও-এর দে

লঙ্গর ছাড়িয়া নাও-এর দে দুঃখী নাইয়া

বাদাম উড়াইয়া নাও-এর দে

ঢেউ-এর তালে, তালে তালে করতালি দে—কিরে হৈ, হৈ, হৈয়া

নয়া দিনের বইল রে বাও-মরা গাঙে ॥

তোর ঘর ভাঙিলো, কুল ভাঙিলো ভাসলি অকুলে

কোন মানুষ-মারা কুস্তীর আইলো সর্বনাশের খালে-রে

তোর ঘর ভাঙিল, কুল ভাঙিল ;

তোর চক্ষের জলে সঁতার পানি, বইলো বারে বারে

—কিরে হৈ, হৈ, হৈয়া

খুন দরিয়ায় আইলরে ঢল, জীবন জোয়ারে ॥

তোর মরণ কিসের, আজ বাঁচনের বিরাট খেলা

সবহারাদের ঘাটে ঘাটে সবপেয়েছিঁর মেলারে—

আজ বাঁচনের বিরাট খেলা ;

তোর ধলা পালে মনপায়রার পাখ্‌না মেলে দে

—কিরে হৈ, হৈ, হৈয়া

বদর, বদর, বদর, বদর      জয়ধ্বনি দে ॥

রচনাকাল ১৯৪৬

## করাগার বন্দী

করাগার বন্দী  
নাহি চায় সন্ধি  
পাহাড় টলানো বীরদল  
ভুলি নাই, ভুলি নাই  
অঁধারের আলোকমল ॥

গৃঢ় প্রাচীর অন্তরালে হত্যার অভিসন্ধি  
নাগিনীদের নিঃশ্বাসে বাতাস বিষগন্ধী  
বুকের খুনে উষ্ণ হলো প্রস্তর শীতল ॥  
পাহাড় টলানো বীরদল ॥

দেশে দেশে পরাজিত কুটিল ষড়যন্ত্র  
জনতার পদক্ষেপে শোনো মুক্তির মন্ত্র  
সিংহদ্বারের লৌহকপাট বিদীর্ণ-অগল  
পাহাড় টলানো বীরদল ॥

রচনাকাল / ১৯৭৬

## ধীর বহে ইয়াংসি

ইয়াংসি ও ইয়াংসি

ধীরে ধীরে বহে যাও

কতো বুধির অশ্রুধারা—ঢেউয়ে দোলাও

তুমি যে অপরাধেয়

তুমি যে অপরিমেয়

ইতিহাস রচে যাও ॥

তব পারে পারে যত মৃত্যু, যত অনায়াস

ডুবে গেলো ভেসে গেলো দুর্বীর খর বন্যায়

দস্যুর তরী তীরে তীরে, যতো ভিড়লো, রণসজ্জায়

ডুবে গেলো ভেসে গেলো দুর্বীর খর বন্যায়,

সে বীরগাথা আমারে শোনাও—আমারে শোনাও ॥

মিসিসিপি গঙ্গা নীল-নদী জলে

তব ঢেউ উদ্দাম এলো কল্লোলে,

ত্রিধারা সে মহানদী—

মুক্তি সাগর মোহনায় ভেসে যায় ভেসে যায়

হেইয়ো হো হেইয়ো হো

পালে পালে পতাকা উড়াও ।

পালে পালে পতাকা উড়াও

রচনাকাল / ১৯৫৯

উহান থেকে ইয়াংসি নদীর ভাটি স্রোতে নানকিং যাবার পথে চীনে তৈরী নতুন জাহাজ  
‘চিয়াং পিং’ ( শান্তির নদী )-এব থেকে বসে রচিত ।

সাগরযাত্রা নাবিক নির্ভর

সাগর-যাত্রা নাবিক নির্ভর  
মাটির ফুল ফল সূর্য নির্ভর,  
বৃষ্টি-নির্ভর মাঠের ফসল  
মাও সেতুও-এর চিন্তা  
বিপ্লবের নির্ভর ।

জলছাড়া থাকে না মাছ  
লতাহীন থাকে না আগুণ  
জনতা আর কমিউনিস্ট দল      অভিন্ন হৃদয়  
মাও সেতুও-এর চিন্তা যে অন্তহীন সূর্যের উদয় ॥

এ গানটি “ভা হাং হাং শিং” (Sailing in the seas depends on the Helmsman)  
সাংস্কৃতিক বিপ্লবের সময় বিশ্বখ্যাতি লাভ করে। ১৯৭৪ সালে দ্বিতীয়বার চীন ভ্রমণের  
সময় মৌলিক সূত্রে বাংলায় অনূদিত।

## শঙ্খচিল

সুদূর সমুদ্রের প্রশান্তের বুকে  
হিরোশিমা দ্বীপের আমি শঙ্খচিল  
আমার দু'ডানায় ঢেউয়ের দোলা  
আমার দু'চোখে নীল শুধু নীল ;  
সাগরের জলে সিনানের শেষে প্রবালের সিঁড়ি বেয়ে  
মৎস্যগন্ধা মেয়ে  
ঝিনুক নৃগুরে বুণু বুণু বুণু  
যেতো সে সাগরিকা  
ঝিলিক ঝিলিক নাচিয়ে গলার মুক্তার মালিকা ।

পূর্বাচলের প্রাঙ্গণে  
সাগরিকার অঙ্গনে  
দিগবধূরা খেলেরে—  
সমুদ্রহিল্লোলে তার দোলে হৃদয় দোলে  
শঙ্খচিলের সঙ্গীতে তার স্বপন দুয়ার খোলে  
দারুচিনি বনের পাখায় সোহাগ চামর দোলে  
দোলে হৃদয় দোলে... ।

হঠাৎ সেদিন শুভ্রশরৎ সকালে  
মায়াবী রোদের রূপালী ঝালর ছিন্ন ভিন্ন কবে  
কোন বিষাক্ত বাসুকীর ফণা দিগন্ত দিল ঢেকে ।  
প্রলয়ংকর নিঃশ্বাসে তার ধ্বংস ছড়াল দিক্‌বিদিক  
আণবিক সে, দানবিক সে মৃত্যু-নৃত্য নেচে  
ধ্বংস-নৃত্য নেচে ।  
দারুণ আগুন দহনজ্বালায় দক্ষ ভস্মভূতা—  
প্রশান্তদুহিতা ।

প্রশান্তদুহিতা, মরমিয়া মিতা কোথা সাগরিকা গো  
বাতাসে ঝুরিছে বাদল ঝিরঝির আকাশে ঝুরিছে তারা  
দিগ্‌বধূরা গুমরি গুমরি কাঁদিছে সঙ্গীহারা  
বেলাভূমি বুকে আছাড়ি ঢেউ কাঁদে, কোথা সাগরিকা গো ।



আমার এ অঙ্গীকার, আমার এ অঙ্গীকার  
আক্ৰান্তপ্রশান্তের অশান্ত্তিবিহঙ্গ দূরন্তদুর্নিবার ।  
ঝড়ের নিশানা আমার দু'ডানা চির উড্ডীন, অক্লান্ত  
প্রশান্ত হতে অতলান্ত  
প্রতিরোধ, প্রতিশোধ, চিরক্ষমাহীন      চিরক্ষমাহীন ।  
আমার শাস্তিগানে বিদ্রোহবান আনে  
আফ্রোএশিয়া আমেরিকায়  
আমার ডানায় তোলে অঁধিয়া আকাশতলে  
ঝনন ঝনন মরুঝঞ্জা সাহারায়,  
নদনদী প্রান্তরে অরণ্য অন্তরে-পাহাড় গহ্বরে  
রক্তে আদায় করি রক্তের ঋণ  
আমিই ভিয়েৎমিন আমিই ভিয়েৎমিন আমি ভিয়েৎমিন ।

রচনাকাল/১৯৬৪

ফুলগুলি কোথায় গেল

ফুলগুলি কোথায় গেল

কতদিন কেটে গেল

ফুলগুলি কোথায় গেল

কতদিন হলো ।

ফুলগুলি কোথায় গেল

ফুলকুমারী ছিঁড়ে নিল

আর কবে বুঝিবে বলো

তার। বুঝিবে বলো ॥

কুমারীরা কোথা গেল

কত দিন কেটে গেল

কুমারীরা কোথা গেল

কত দিন হল ।

কুমারীরা কোথা গেল

সৈনিকের সাথী হলো

আর কবে বুঝিবে বলো

তার। বুঝিবে বলো ॥

সৈনিকেরা কোথা গেল

কত দিন কেটে গেল

সৈনিকেরা কোথা গেল

কতদিন হলো—

সৈনিকেরা কোথা গেল

সম্মাধি ছায়া তলে

আর কবে বুঝিবে বলো

তার। বুঝিবে বলো ॥

সম্মাধি কোথায় গেল

কতদিন কেটে গেল

সম্মাধি কোথায় গেল

কতদিন হলো ।

সমাধি কোথায় গেলো  
 . বরাফুলে ঢেকে দিল  
 আর কবে বুঝিবে কল্লোল  
 তাক্স বুঝিবে বল্লোল ॥

অনুবাদকাল / ১৯৬৫

Where have all the flowers gone, পিঠি গুলে বিকিরিত পাতাটির পাতলাক।

## ভারতের হিমালয়ের এক শিশু দেবদারু

ভারতের হিমালয়ের এক শিশু দেবদারু  
মহাচীনের থাইহাং পাহাড়ে হয়েছে সে মহীরুহ

আহা, কী মহান মহীরুহ ॥

মুক্তি ফোঁজের রক্তধারায় হয়েছে সিঁগুত  
মহাচীনের মহাজনতার মমতায় লালিত

হয়েছে অহরহ ।

আহা, কী মহান মহীরুহ ॥

শত্রুবোমায় ঝঞ্ঝা তুমারে অনাহারে অহঁনিশ  
সংগ্রাম ও সেবার একটি নাম দ্বারকানাথ কোটনিস্ ;  
আন্তর্জাতিকতার রসে সে মহীরুহ অমর  
চীন ভারতের মাটির গভীরে মেলেছে শিকড়  
তারই ছায়ায় দু'দেশের প্রাণ, মিলেছে প্রতাপ—  
আহা, কী মহান মহীরুহ ॥

১৯৭৪ এর গ্রীষ্মে শিজিরাজুরানে ডাঃ কোটনিসের সমাধিতে পুষ্পস্তবক হাণ্ডল করার পর  
এই গানটির রচনা আরম্ভ হয়। উক্তর চীনের আইহাং পাহাড় ছিল অটম ভট্ট বাহিনীর  
প্রধান ঘাটি। সেখানে কর্তৃত্ব অবহার ডাঃ কোটনিসের স্বভাব হয়।

মহানগরীর রাজপথে যত রক্তের স্বাক্ষর<sup>১</sup>

ভুলবো না, ভুলবো না, ভুলবো না—  
মহানগরীর রাজপথে যত রক্তের স্বাক্ষর,  
অগ্নিশিখায় অঙ্কিত হলো লক্ষ বুকের 'পর  
আমরা ভুলবো না ॥

হাতে শহীদের সমাধি ফলক,  
ললাটে পরেছি রক্ততিলক,  
—রক্তের ঋণ রক্তে শোধবো শপথ ভয়ঙ্কর  
ভুলবো না, ভুলবো না, ভুলবো না— ॥

উৎপীড়িতের ক্রন্দনরোল  
বুড়ুক্ষিতের অশ্রুজল,  
পুঞ্জিত হয়ে এনেছে এবার কালবোশেখীর ঝড়  
কাল বোশেখীর ঝড়—;

আহত বক্ষে গর্জে ক্রোধ  
চাই প্রতিরোধ ; চাই প্রতিশোধ,  
রক্তের রাখি-বন্ধনে মোরা মিলেছি পরস্পর ॥  
ভুলবো না, ভুলবো না, ভুলবো না ॥

রচনাকাল / ১৯৪৬

আমি যে দেখেছি সেই দেশ

আমি যে দেখেছি সেই দেশ, উজ্জল সূর্য-রশ্মি  
আমি যে দেখেছি 'শত ফুল বাগিচায়'  
'পূবালী বাতাসে' কী সুবাস ছড়ায়  
শ্রমের গুঞ্জে শুনছি প্রচার  
'বিসাক্ষ আগাছা' হয়েছে বিলীন ।  
উজ্জল সূর্য-রশ্মি ॥

আমি যে দেখেছি আছা কুপালী নদী  
'আনসানে' 'উহানে' বয় নিরবধি  
ফারনেসে ফারনেসে ইম্পাতী মন  
নতুন প্রাচীর গড়ে অজেয় কঠিন ।  
উজ্জল সূর্য-রশ্মি ॥

দেখেছি অশ্রুমতী হোয়াংহোর জল  
হাসির তরঙ্গ রঙ্গে হয়েছে নির্মল  
সেতুবন্ধ ইয়ংলীক শুনছি কল্লোল  
চিরতরে ঘুচে গেছে বন্ধ্যার দিন ।  
উজ্জল সূর্য-রশ্মি ॥

দেখেছি 'ভ্রাগনবাহী' কোটি শ্রমবীর  
'পাহাড়ের চূড়া ভাঙে, বাক ফেরায় নদীর'  
বিস্ময়ে দেখেছি 'কমিউনে কমিউনে'  
নতুন মানুষ গড়ে 'তাচাই, তাচিং'  
উজ্জল সূর্য-রশ্মি ॥

আমি যে দেখেছি তাঁরে 'থিয়েন আন মানে'  
রেশমী লঠন আভায় রাঙা কুংতানে

সেই দেশের বৃপকর মহাকাবিগর  
দু' চোখে বিশ্বের আলো—শঙ্কাবিহীন ।  
উজ্জ্বল সূর্য-রাঙিন ॥

রচনাকাল / ১৯৭৪

সিনকিয়াং প্রদেশের উইঘুর উপজাতির একটি বিখ্যাত লোকসঙ্গীতের দূর অবলম্বনে ।  
'শতকল বিকশিত হোক—সমাজতত্ত্ব সংস্কৃতি গড়ার পদ্ধতি । "পুর্বালীবাংতাসে পশ্চিমী  
বাংতাস পিছু হটে"—সমাজতত্ত্বের শক্তির কাছে ধনতত্ত্বের শক্তি পাজিত হচ্ছে । 'বিষাক্ত  
আগাছা'—বুর্জোয়া ও সামন্ততান্ত্রিক ধানধারণা । আনসান, উহান—চীনের দুটি বৃহৎ  
ইম্পাতকেন্দ্র । 'পাহাড়ের চূড়া ভাঙে, নদীর ঝাঁক ফেরাও'—দীর্ঘপদক্ষেপের স্মৃতি । তাচাই—  
চীনের সমাজতত্ত্ব কৃষির আদর্শস্থল । তাচিং—চীনের আদর্শ তৈলউৎপাদন কেন্দ্র । কুংতান—  
চীনের প্রাচীন ঐতিহ্যের রেশমী-লঠন । 'সিয়েন আন মান—'রগী'র শান্তির স্বপ্ন' শিকিঙে  
ইতিহাস প্রসিদ্ধ মণ্ডপ ও বাগ ।

## জালিনাবাগের জালালাবাদের

জালিনাবাগের জালালাবাদের এসেছে আদেশ  
চলো চলো বীর, পরো পরো বীর  
সৈনিকের বেশ ॥  
স্বাধীনতা-সংগ্রাম হয়নি তো আজো শেষ ॥  
হত্যাকারীর আজো হয়নি বিচার  
হয়নি তো শোধ, দু'শতকের রক্তের যতো ধার  
শেষণের কারাগার ঘিরে চারিধার  
ভ্রাতৃবিরোধে ডুবেছে স্বদেশ ॥  
চলো চলো বীর... ..

এতো নহে বন্দর  
এ যে চোরা বাজুচর  
দস্যুর ঘাটে তুমি ফেলেছ নোঙর  
যাঠীরা হুঁশিয়ার—  
কুচক্রী কালো মেঘ ঘিরে চরাচর  
যাঠীরা হুঁশিয়ার—  
ধ্বংসের দানবেরা মিলায়েছে হাত  
স্বদেশে, বিদেশে মিলে একসাথ  
হানো শেষ আঘাত, হানো শেষ আঘাত  
বিষাক্ত নাগিনীয়ে কর নিঃশেষ ॥

ঋচনাকাল / ১৯৪৮

ভারতের কমিউনিস্ট পার্টির কলকাতার অনুষ্ঠিত দ্বিতীয় কংগ্রেসের প্রারম্ভ-গীত শ্রমিক রায়েক  
নেতৃত্বে গীত। সুর দিয়েছেন দেবব্রত বিশ্বাস



আমরা তো ভুলি নাই শহীদ।

আমরা তো ভুলি নাই শহীদ একথা ভুলবো না  
তোমার কলিজার খুনে রাঙাইলো কে আন্ধার জেলখানা ।  
যখন গহীন রাতে আন্ধার পথে চমকায় বিজলী  
( তোমার ) বুকের খুনের দাগে দাগে আমরা পথ চলি ;  
সেই কাল সাপেরই কুটিল গুহায় আমরা যে দেই হানা  
তোমার বহুল বুকে ছোবল দিল যে নাগিনীর ফণা ॥

বলো কি করে ভুলি সে কথা  
খুন করে গোপনে তোমার জ্বালাইল চিত্ত।  
সেই চিতার আগুন জ্বলে দ্বিগুণ  
জ্বলে দিকে দিকে রে বন্ধু  
জ্বলে বুক বুক রে বন্ধু  
জ্বলে চোখে চোখে—  
জ্বলে অগ্নিকোণে রক্তমেঘে কালবৈশাখীর ডানা ॥

তুমি ছিলায় গরীব কিশাণ এই মাটির সন্তান  
হাতে নিলায় তাই তো বন্ধু দুঃখীর এই লাল নিশান  
রে সার্থী সহারার নিশান  
সেই লাল নিশানের মান রাখিতে দিলায় বন্ধু জ্ঞান  
বন্ধু, লুটাইলায় পরাণ  
তোমার রক্তে রাঙা নিশান দিল পথের নিশানা ॥

স্রচনাকাল / ১৯৫০

## তিব্বতী গান

কি করে আদর জানাই  
কি সুখা যে পান করাই  
কি মরমের দিই উপহার  
দিব না \*‘হাতা’ হৃদয়ের গাথা  
দিব শুধু একটি গান—  
‘ছ’—ইয়ালাছ মুক্তিফোজ  
লও মোদের গান ॥

পাষাণের দেশে তোমরা  
আনলে প্রাণের ঢল  
যুগযুগান্তরের দাসত্বের, টুটিল শৃঙ্খল  
কৃতজ্ঞতায় ভরা যে অন্তর,  
তাই গাই গান—  
সাংস্কৃতিক বিপ্লব কৃষ্টির ক্ষেত্রে  
আনিল সৃষ্টির বান—  
‘ছ’.....ইয়ালাছ—  
মুক্তিফোজ লও মোদের গান ॥

অনুবাদকাল / ১৯৭৪

‘হাতা’ :—যে নতুন কাপড়ের টুকরো দিয়ে অতিথিকে তিব্বতীয় প্রথায় স্বাগতম জানানো হয়।

## জনহেনরী

১

নাম তাঁর ছিল জন হেনরী  
ছিল যেন জীবন্ত ইঞ্জিন  
হাতুড়ির তালে তালে গান গেয়ে শিস্ দিয়ে  
খুশি মনে কাজ করে রাতদিন ॥  
হো হো (৪) খুশি মনে কাজ করে রাত দিন ॥

২

কালো পাথরে খোদাই জন হেনরী  
গ্র্যানাইটে গড়া পেশী ঝল্‌মল্  
হাতুড়ির ঘায়ে ঘায়ে পাথরে আগুন ঝরে  
হাতুড়ি চালানো তার সম্বল ॥  
হো হো (৪) হাতুড়ি চালানো তার সম্বল ॥

৩

ভার্জিনিয়ার রেল-সুড়ঙ্গ  
পাথরে পাহাড় কেটে কেটে  
রেল লাইন পাতা হবে হেনরীর হাতুড়ির  
ঘায়ে ঘায়ে রাত যায় কেটে ॥  
হো হো (৪) ঘায়ে ঘায়ে রাত যায় কেটে ॥

৪

জন হেনরীর চির প্রিয় সঙ্গিনী  
নাম তার মেরী ম্যাগ্‌ডেলিন  
সুড়ঙ্গের কাছে যেতো কান পেতে শুনতে  
হেনরীর হাতুড়ির বীন ॥  
হো হো (৪) হেনরীর হাতুড়ির বীন ॥

৫

সাদা সর্দার কাজ চায় আরো  
স্টীম ড্রিল করে আমদানী  
আশঙ্কা হেনরীর মেরিনের কাছে বুঝি  
পেশী নিবে পরাজয় মানি ॥  
হো হো (৪) পেশী নিবে পরাজয় মানি ॥

৬

আমি মেরিনের হব প্রতিদ্বন্দ্বী  
জন হেনরী বলে বুক ঠুকে  
স্টীম ড্রিলের সাথে চলে হাতুড়ি পাঞ্জা  
কে আর বলো তাকে রোথে ॥  
হো হো (৪) কে আর বলো তাকে রোথে ॥

৭

সাদা সর্দার বলে হেসে হেসে  
কালো নিগারের দেখো দুঃসাহস  
তোর যদি জয় হয় হবে না সূর্যোদয়  
দুনিয়াটা হবে তোর বশ ॥  
হো হো (৪) দুনিয়াটি হবে তোর বশ ॥

৮

জন হেনরীর হাতুড়ির বলকে  
চমকায় বিজলীর গতি  
মানুষের সৃষ্টি দুরন্ত স্টীম ড্রিল  
মানুষেরই কাছে মানে নতি ॥  
হো হো (৪) মানুষেরই কাছে মানে নতি ॥

৯

অগ্নিগিরি হলো রুদ্ধ  
থেমে গেলো হাতুড়ির শব্দ  
হেনরীর জয়গান চারিদিকে ওঠে যাবে  
হুৎপিও তার শব্দ ॥  
হায় হায় (৪) হুৎপিও তার শব্দ ॥

১০

জন হেনরীর কাঁচ ফুল মেয়েটি  
পাথরের বুকে যেন ঝর্ণা  
মার কোল থেকে সে পথ চেয়ে আছে কাব,  
বাবা তার আসবে না, আর না  
হায়, হায় বাবা তার আসবে না, আর না ।

১১

পাখির কাকলি ভরা ভোরে  
পূবালী আকাশ যবে রঙীন  
হেনরীর বীরগাথা বাতাসে ছড়িয়ে দিয়ে  
সিঁটি দিয়ে চয়ে যায় ইন্‌জিন্‌ ॥

১২

প্রতি মে দিবসের গানে গানে  
নীল আকাশের তলে দূর  
শ্রমিকের জয়গানে কান পেতে শোনো ঐ  
হেনরীর হাতুড়ির সুর ।  
হো হো (৪) হেনরীর হাতুড়ির সুর ॥

অনুবাদকাল / ১৯৭৩

মৃত শতাব্দীর সত্তর দশকের একটি সত্য ঘটনাকে অবলম্বন করে এই গীতিকার জন্ম ।  
গীতিকারে সবশেষেই কা হনীর সঙ্গে কিম্বদন্তী মিশে থাকে, এবং বিভিন্ন সময়ে কোম  
অজ্ঞাত রচয়িতা দ্বারা নতুন সংযোজনও ঘটে থাকে । এখানেও হয়েছে তাই । আমেরিকার  
বিভিন্ন লোকসংগীতের সংগ্রহপুস্তকে পাঠের বিভিন্নতা আছে । বিশ্ববিখ্যাত মার্কিন গায়ক,  
পিট সিংগারের মতে এটি আমেরিকার ‘মহত্তম গীতিকা (Noblest Ballad) ।

## মাউন্ট ব্যাটেন মঙ্গল কাব্য

মাউন্ট ব্যাটেন সাহেব ও  
তোমার সাধের ব্যাটেন কার হাতে  
থুইয়া গেলায় ও  
তোমার সোনার পুরী আন্ধার কইরা ও ব্যাটেন সাহেব  
তুমি কই চলিলায়,  
তোমার সাধের ব্যাটেন কার হাতে থুইয়া গেলায় ও ।

সর্দার কান্দে, পণ্ডিত কান্দে, কান্দে মৌলানায়  
কিরে হায়, হায়, হায় ।  
আর মাথাই এষে মাথা কুটে বলদায় বুক থাপড়ায় ।

তোমার শ্যামা চোঁটি ভক্তবৃন্দে ও  
তারা ধুলায় গড়াগড়ি যায় ।  
তোমার সাধের ব্যাটেন কার হাতে থুইয়া গেলায় ও ।

কান্দে রাজা মহারাজা তোমার পোষ্য বাছা  
ফুঁপাইয়া ফুঁপাইয়া কান্দে ও  
কাল। বাজারের প্যাটুলা ছুতুম প্যাঁচা  
তোমার নয়াদিল্লী ডুবু ডুবু ও  
বুঝি ভঙ্গবঙ্গ ভেসে যায়  
তোমার সাধের ব্যাটেন কার হাতে থুইয়া গেলায় ও ।

যেইন তোমার পরবর্তী  
আইলা গোপাল রাজ চক্রবর্তী  
আইলা গান্ধীভস্ম তিলক মাথায়  
ধুতি চাদর গায়  
মরি হায় হায়রে—  
করইড কর্তনের বংশে বার্তি বায়নে আনন্দ  
মরি হায় হায়রে  
বায়নের খুশী মন, হাপুস নয়ন  
তোমার সাধের ব্যাটেন কার হাতে থুইয়া গেলায় ও ।

তোমার সাধের ব্যাটন কার হাতে থুইয়া গেলার ও ।

রাম গেলা বনবাসে বেউলা হইলা রাঁড়ি  
( আর ) যুগল ব্যাটন বিলাত গেলা কান্দে গোপালাচারী  
দিগ্গী হইতে পুষ্পক রথে গেলায় উড়িয়া  
করজোরে ভক্তবৃন্দ আসমানে চাইয়া

প্রভু নাই নাই রে ।

কান্দিও না সদার পণ্ডিত

কাইন্দ না কাইন্দ না ।

আমি যাহা দিয়া গেলাম নাই যে তার তুলনা—

( আমি যাই যাই রে )

ষাইবায় যদি এটলী বাপার তুমি কইও গিয়া  
ডোমিনিয়ন প্রেমের ডোরে রাখে যেন বান্দিয়া ।

( হায় নাই নাইরে )

মিছা কেনে ভাবনা কর ভয়ের কিবা আছে

অশরীরী ছায়া আমার থাকবে কাছে কাছে

আমি ষাই ষাইরে ॥

তোমার দক্ষিণ-পূর্ব এশিয়ার গতিক ভালো নয়,

জান সে মোদের খাঁচা ছাড়া কখন কি যে হয় ॥

( প্রভু নাই নাই রে ) ।

আমরা আছি, মার্শাল আছে, আছে আমেরিকা

এই জাহাজের হও গম্বা বোট নইলে কিম্বা ঠেকা ॥

( আমি ষাই ষাইরে ) ।

নয়া দিগ্গীতে ঘোর করিতে

আইলা কর্ক অবতার—কি বাহ্যর।

পতিত ভারত করিতে উদ্ধার ।

বড় বড় দেশ নেতা দিয়া পায়ের ধর্বা

তপস্যায় লভিলেন কর স্বরাজ অম্পূর্ণ

“হবে ধনধান্যে পূর্ণা” ॥

হবে ধনধান্যে পূর্ণা ।

শুন শুন শুন সবে শুন দিয়া মন ( ভালো বেশ বেশ )  
 স্বরাজের মহাস্বা আমি করিব বর্ণন ॥ ( ভালো বেশ বেশ )  
 পনেরো আগস্ট দিনে সাতচল্লিশ সন । ( ভালো বেশ বেশ )  
 দশভূজা স্বরাজ দেবী বৈলা আগমন । ( ভালো বেশ বেশ )  
 সাগর পারের বুড়া সিংহী রহিলা বাহন ( ভালো... )  
 দশ হাতে দেখি নূতন দশ প্রহরণ । ( ভালো... )  
 প্রথম হাতেতে ধরেন খজা প্রহরণ ( ভালো... )  
 অখণ্ড দেশের মুণ্ড করিলেন খেদন । ( ভালো... )  
 দ্বিতীয় হাতে বরাভয় অর্হংস ব্যাটন ( ভালো... )  
 সাধুরে দমন করেন চোরেরে পালন । ( ভালো... )  
 তৃতীয় হাতে করেন দেবী কণ্ঠোল নিধন ( ভালো... )  
 এক দোড়ে চল্লিশ টাকায় ওঠে চালের মন । ( ভালো... )  
 চতুর্থ হাতেতে করেন বসন হরণ ( ভালো... )  
 ল্যাংটা শিবের ধর্ম দেশে করেন প্রচলন । ( ভালো... )  
 পঞ্চম হাতে বশীকরণ মারণ উচাটন ( ভালো... )  
 ক্ষুধার ভূত কাঁদুনে গ্যাসে করেন বিতাড়ন । ( ভালো... )  
 ষষ্ঠ হাতে বন্ধ করেন জাতীয়করণ ( ভালো... )  
 জাতিভেদ দূর, আসে বিজাতী মূলধন । ( ভালো... )  
 সপ্তম হাতে করেন দেবী দালাল ইউনিয়ন ( ভালো... )  
 কৃষকসভা, মজুর সংঘে পাঠান বিভীষণ । ( ভালো... )  
 অষ্টম হাতে ভক্তজনে বর বিতরণ ( ভালো... )  
 মন্ত্রিগিরি, কন্ট্রাকটরী করিলেন বণ্টন । ( ভালো... )  
 নবম হাতে গান্ধীভস্ম ঔষুধ ধারণ ( ভালো... )  
 রাষ্ট্রদ্রোহী সর্বরোগে বিশল্যকরণ । ( ভালো... )  
 দশম হাতে নিরাপত্তার নাগপাশ বন্ধন ( ভালো... )  
 লাল জুজু নিশঙ্কুরে করিতে নিধন । ( ভালো... )  
 কণ্ঠে তার গড সেভাঙ্গি কিং জনগণমন ।  
 দেশবাসী কর দেবীর গুণ সংকীর্তন ॥  
 এবার দেশবাসীগণ গাও স্বরাজ ভজন  
 রঘুপতি রাঘব মাউন্ট ব্যাটন ।  
 জয় জয় রঘুপতি রাঘব মাউন্ট ব্যাটন ।  
 টাটা বিড়লা তেরে নাম



জয় বল্লভ গোপাল রাজা রাম ॥  
 মজুর কিষান হ্যায় নিমক হারাম  
 মুঝকো মুনাফা দে ভগবান ॥  
 যে বাঁশেতে বাজলোরে ভাই স্বরাজের বাঁশরী  
 সেই বাঁশ যে ডাঙা হইয়া মাথায় মারলে বাড়ি ।  
 ( আহা মরি মরি মরি )  
 মাটি চাইয়া লাঠি পাইলাম দিয়া বুকের খুন  
 হাসির বদল ফাঁসি পাইলাম দই-এর বদলে চুন ।  
 ( আহা মরি মরি মরি )  
 চাকরী চাইয়া ছাঁটাই পাইলাম কাপড় চাইয়া দড়ি  
 এখন কলস যে ভাই কিনি হাতে নাইতো এমন কড়ি ।  
 ( আহা মরি মরি মরি )  
 হিন্দুস্তানে শ্বশুরবাড়ি পাণ্ডিত্যানে ঘর  
 মদিখানে ভূতের ময়দান বউ যে হইল পর ॥  
 ( আহা মরি মরি মরি )  
 রামরাজ্য চাইয়া পাইলাম হনুমানের বংশ  
 লেজের আগুন দিয়া সোনার লঙ্কা করে ধ্বংস ॥  
 ( আহা মরি মরি )  
 ঠগেয় বাড়ি নিমন্ত্রন বুঝিয়ায় অবেলা  
 রাজভোগ খাওয়াইবো কইরা খাওয়াইলো কাঁচকলা ॥  
 ( আহা মরি মরি )  
 মাথায় ভাঙ্গলো কাঁঠাল ভাইরে মুখে লাগলো আঠা  
 স্বরাজের মন্দিরে আমরা হইলাম বলির পাঁঠা ॥  
 ( আহা মরি মরি )  
 মাউন্ট ব্যাটন মঙ্গল কাব্য হেথায় সাজ হইল  
 প্রেমানন্দে বাহু তুলে রাম রাম বলো ।  
 এবার দেশবাসীগণ গাও স্বরাজ ভজন  
 রঘুপতি রাঘব মাউন্ট ব্যাটন ॥

রচনাকাল / ১৯৪৮

লর্ড মাউন্ট ব্যাটনের ভারত ত্যাগের সময় রচিত। তখন কেন্দ্রীয় সরকারের মন্ত্রী ছিলেন জওহরলাল নেহরু, সর্দার বল্লভভাই পটেল, মৌলানা আবু ন কালাম আজাদ প্রমুখ।

## বেহুলার ভেলায়

বেহুলার ভেলায় যায় ভেসে যায়  
অভাগী বাংলা মা  
ভাসানের ঢাকে ছেয়েছে বাতাস  
ভাসমান প্রতিমা ॥  
মিথ্যা তোমার প্রগতিবন্ধু মিথ্যা জ্ঞানের গরিমা ।  
অভাগী বাংলা-মা ॥  
ঘরে ঘরে আজ নিভেছে বাতি  
ফিরে এল ওগো একি কালরাতি  
শস্য শ্যামলা প্রান্তরে কালো মৃত্যুর পরিক্রমা  
অভাগী বাংলা-মা ॥  
কম্পনাতীত এ দুর্গতি  
পরিকম্পনার একি পরিণতি  
যে বাঁধ ভেঙ্গেছে মানুষের দোষে  
তার কি আছে ক্ষমা  
অভাগী বাংলা-মা ॥  
এ দুঃখের কিবা পরিমাপ  
কারে তুমি বন্ধু কর অভিশাপ  
এ আমার এ তোমার পাপ  
ভুলেছি জনশক্তির মহিমা ॥  
অভাগী বাংলা-মা ॥

সচনাকাল / ১৯৭৮

## বাংলা বন্যায়

আসমানেতে দেয়া ডাকে গুর গুর গুর গুর  
বুকের মধ্যে ঢোক কুটে কুর কুর কুর কুর ।  
মাঝি যাইও না আইজ দুর ॥

মাছ মারিয়া ঘেজন খায় মাছ লইয়া। যার ঘর  
পানির লগে জালোয়ার পীরিত পানিত কিবা ভর  
আমার নাও-এ কর ভর ॥

পদ্মার পীরিতে আমার নাও-এর ছলাং ছল্যাং পানি  
কন্যা তুমি শুনছনি—  
ঢেউ-এর ঢলাঢালি রে মন-পরাণ যে নেয় টানি  
আমার সঙ্গে যাইবানি ॥

আমি তো বুঝি মাঝি তোমার কিবা আছে মনে  
পাগলি পদ্মার পীরিতে তোরে কেনে এমন টানে  
তোমার কিবা আছে মনে ॥

রচনাকাল / ১৯৭৭

লাইম লাইট অভিনীত “পদ্মানদীর মাঝি” নাটকের জন্তে রচিত ।

## আমি যাই শাওশান

আমি যাই শাওশান, আমি যাই শাওশান  
বিদেশী বন্ধু তুমি কোথা ধাবমান  
কার তরে মন তব এত আনচান ॥

দু'ধারে কেটেছি আমি শরতের ধান  
বাতাসে ছড়িয়ে গেছে তারি আঘ্রাণ  
একটু শোনো, একটু বোসো, আমার দাওয়ায়  
গেয়ে যাও গান ॥

শিয়ার নদীর পারে ঐ মোর ঘর  
তুমি তো আপন মোর, তুমি নও পর  
একটু শোনো, একটু বোসো, আমার দাওয়ায়  
এই অভিমান ॥

শাওশানেতে আছে এক পদ্মপুকুর  
সেই পদ্মমধুর তরে আমি এলাম এতদূর  
সেই পুকুর পারে পাহাড়-ঘেঁষা ছায়ায় ঘেরা ঘর  
তারি মায়ায় পাগল আমি ভিনদেশী ভ্রমর  
সে যে আমার ভালোবাসা  
আমার স্বপ্ন, আমার গান  
আমি যাই শাওশান, আমি যাই শাওশান ।

রচনাকাল / ১৯৮০

মাও সে-তুও এর জন্মস্থান । হুনান প্রদেশের এই পাহাড়-ঘেঁষা গ্রামে পদ্মপুকুর পাড়ে একটা মাটির ঘরে তাঁর জন্ম । এই গৃহটি মুক্তিযোদ্ধী মানুষের তীর্থ হয়ে উঠেছে ।

## বাঁচবোরে বাঁচবো

বাঁচবো বাঁচবোরে আমরা বাঁচবোরে বাঁচবো  
ভাঙাবুকের পাঁজর দিয়া  
নয়া বাংলা গড়বো ॥

বিভেদ গাঙের বাঁধবো দুই কূল  
বাঁধবো আবার মিলনের পুল  
যত বাস্তুহারা সর্বহারা সুখের গৃহ গড়বো ॥

ঘুচবে দেশের অন্ধকার  
আসবেরে প্রাণের জেয়ার  
(আমরা) সবাই মিলে তালে তালে আনন্দের গান গাইবো ॥

গোলায় গোলায় উঠবে ধান  
গলায় গলায় উঠবে গান  
যত মায়ের বুকের শিশুর মুখে হাসির ঝলক আনবো ॥

দীন-দুঃখী অভাগার দল  
মোছরে এবার চোখের ঞ্জল  
এল নিখিল বিশ্বে যত নিঃস্বের মহামুক্তির পর্ব ॥

রচনাকাল / ১৯৪৮

## ভাঙা বাংলার তার-ছেঁড়া বাউল

সুরের গুরু—

তোমার সুরের সভায় ও

আমার গান কি হবে ভুল

আমি ভাঙা বাংলার তার ছেঁড়া এক সুরহারা বাউল ।

আমার মায়া-ভরা ঘরটি ছিল সুরমা নদীর তীরে

যেমন সুরমা আঁকা সজল চোখে থাকে মায়া ঘিরে ।

সেই পরাগ গাঙের কুল হারাইয়া

আমি ভাসি স্রোতের ফুল ॥

আমি ভাঙা বাংলার.....

ডালের উপর ছিল সুখে পঙ্খী আর পঙ্খিনী

সন্ধান পাইলো গহন বনের কাল নাগিনী

বিষের জ্বালায় সারীর কোমল অঙ্গ হয় আঙ্গেরা

সাথীহারা শূকের শোকে কেন্দ্রে বাংলা হয় সারা ।

সেই কান্দনে বুক সারিন্দার তন্ত্রী যে আকুল ॥

( শোন ) সেদিন তারে দেখে এলেম শহরের রাজপথে

তোমার ময়নাপাড়ার কালো মেয়ে

বসে ছেঁড়া আঁচল পেতে ।

কন্যা তোমার নামটি কি, তারে জিজ্ঞাসি আমি

তুমি কি সেই কবিগুরুর কালো মেয়েটি

ওসে কথা না কয় তার পরিচয়

কালো হরিণ চোখেতে ॥

সেদিন চৈতী দুপুরে দারুণ আগুন রোদ্দুরে

বাজলা মেঘের ছিল না ছায়া মাথার উপরে

ওসে বসেছিলো একাকিনী

কেউ ছিল না সঙ্গেতে ॥

কোথা সেই জল-ভরা ঘাট কোথা সেই খেনুচরা মাঠ  
জোনাক জ্বলা ঝিল্লী ডাকা সাঁঝের পল্লীবাট,  
ও তার ধবলী কি হারিয়ে গেছে  
শানবাঁধা শহর গথে ॥

তবু শোন কবিগুরু আমি আজো ভুলি নাই  
তুমি যে যাবার আগে বলেছিলেন ডাক দিয়ে যাই ।  
তোমার কাছে দীক্ষা পেয়ে তোমার সুরে গাই  
একতারাতে সহস্রতার বৃকের বীন বাজাই ।  
সাতভাই চম্পা প্রাণের কলি  
ফোটাবে ফুল কৃষ্ণকলি,  
শুকনে বাগে আসবে অলি সেদিন দূরে নাই ॥  
কৃষ্ণকলি নয় সে খর্ব, পাষণী অহল্যা অগ্নিগর্ভ  
ভূখ মিহিলের সম্মুখে তার ধ্বনি শুনতে পাই ॥

রচনাকাল / ১৯৬৯

## আজাদী হয়নি আজও তোর

আজাদী হয়নি আজও তোর  
নব-বন্ধন শৃংখল ডোর  
দুঃখ রাহি হয়নি ভোর  
আগে কদম কদম চল জোর ॥

শত শহীদেব আত্মদান  
একি তাই প্রতিদান  
দেশদ্রোহীর এ বিধান  
চূর্ণ কর কর অবসান ॥

সাম্রাজ্যশাহার পাতা ফাঁদ  
খুনি ধনিকের এ বনিয়াদ  
ভাঙরে ভাঙ শোষণের বাঁধ  
শোন তেলেঙ্গানার সংবাদ ।'

ওরে ও কিষাণ মজদুর  
আর মর্জিল নয় নয় দূর  
ওরে তবু তো পথ বন্ধুর  
ডাকে উত্তাল গুলসমুদ্রের ।

রচনাকাল / ১৯৪৯



## চীনের একটি লোকগীতি

দূরে নীল পাহাড়ের গায়ে ঘেঁষা গাঁয়ে  
থাকে এক বনবালিকা  
রূপে তার আকাশের চাঁদে রঙ লাগে  
দু'চোখে চমকে চঞ্চল বিজুলি শিখা ॥

কিরকির ঝর্ণার গা বেয়ে বেয়ে  
নেমে আসে প্রতি ভোরে  
ধবধবে ফোটা ফুল কচি মেঘ শিশুটি  
দু'হাতে বুকে ধরে ধীরে অতি অদরে ॥

যদি কোনো দিন সেই পথে দেখো তাহারে  
হবে যেন পথহারী  
বারে বারে ঘুরে ঘুরে সেইখানে যাবে ফিরে  
দু'চোখের চাহনিত হবে পাগল পারা ॥

চাই না দন-দৌলত হীরামণি জহরত  
চাই না গো অট্টালিক  
যাবো সেই পাহাড়ে, যাবো মেঘ পালক  
শুধু যদি সাথে পাই রূপসী সেই বালিকা ॥

অনুবাদকাল / ১৯৫৮

## তোর মরাগাঙে আইল এবার বান

তোর মরাগাঙে আইলো এবার প্রাণ  
ওরে ও কিসাণ  
তোর মরা গাঙে আইলো এবার প্রাণ ॥  
নতুনদিনের নতুন কিসাণ নতুন বিধান  
যায় যদি যায় যাক্‌নারে প্রাণ  
দিব নাতো ধানরে ॥

ও তুই হাতে নে একতার শক্তিশেল  
তোর পাকা ধানে পড়লো এসে  
পাগলা হাতির মেল রে, নে একতার শক্তিশেল ;  
শেষ লড়াই এ ছুটে কিসাণ বগীরা সাবধান  
মোকাবিলা করবো এবার লড়াই-এর ময়দানরে ॥  
ও তুই জীবনভরে সইলি কত দুঃখ  
ফসল তুলে বছর বছর মিটলো না তোর ভুখরে  
পাষাণ হইল বুক  
আখেরি ফয়সলা হবে, কাস্তেতে দে শান  
জুলুমবাজী অত্যাচারের করব অবসান রে ॥  
চারদিকে আজ মিলছে জনগণ  
হাজং, টিপরা, মনিপুরী, সাঁওতালী বর্মণ—রে  
মিলছে জনগণ  
গোলাগুলির বালির বাঁধে রোখবে কি আর বান  
মাটির ছেলে হবে খাঁটি মাটির মালিকান রে ॥  
কত শিবরাম সমীরুদ্দিন মরলো দেশের তরে  
চাষীর ছেলে শহীদ হইলো প্রতি ঘরে ঘরে রে  
মরলো দেশের তরে  
তারা নিজে মরে মরার দেশে আনলো প্রাণের বান  
আপন রক্ত দিয়া মিল করিল মজুর কিসাণ ॥

রচনাকাল / ১৯৪৬

## ঢাকার ডাক

শোন দেশের ভাই ভগিনী  
শোন আচানক কাহিনী  
কান্দে বাংলা জননী ঢাকার শহরে ॥

ও ভাই রে ভাই—ছিল বুড়িগঙ্গার মরাপানী  
তার বুকে কে আনলো জোয়ানীরে  
কার কইলজার খুনে বয় উজানী  
শুকনা বাসুচরে ॥

ও ভাই রে ভাই—একুশে ফেব্রুয়ারী দিনে  
খুশীর মধু নয়। ফাগুনেরে  
হঠাৎ দিন-দুপুরে অমানিশার  
ঢাকলো অন্ধকারে ॥

ও ভাই রে ভাই—যে ভাষায় আমার ফুটে বুলি  
ফুটে আমার প্রাণের কলিরে  
সেই গুলবাগে চালাইলো গুলি  
নিতে সেই ফুল ছিঁড়ে রে ॥

ও ভাই রে ভাই—রক্তিকুলের মাথার খুলি  
উড়ায় গরম সীসার গুলি রে  
যেমন ফোরাত নদীর পারে আজগর  
বিষ তীর খাইয়া মরে রে ॥

ও ভাই রে ভাই—আইলো যখন হাইকোর্টের ধারে  
আচম্কা ব্যাপাইয়া পড়ে—রে  
তাজা রক্তমাংস খাইল ছিঁড়ে  
( যত ) হিংস্র জানোয়ারে ॥

ও ভাই রে ভাই—নিয়া আজিমপুরের গোরস্থানে  
রাইতের নিশায় অতি গোপনে—রে  
বিনা জানাজা বিনা কাফনে  
মাটি দিল কবরে ॥

ও ভাই রে ভাই—( সেদিন ) চাক্কা বন্ধ হইলো রেল  
নারায়নগঞ্জের সূতাকলে রে  
সেদিন উঠলো না ঢেউ পদ্মার জলে  
সুজন নাইয়ার সুরে ॥

ও ভাই রে ভাই—( ফুটলো ) লাল ফাগুনের আগুনে ফুল  
শহীদ আবুল, বরকত রফিকুলরে  
মেঘনার দুইকূল হইলো আকূল  
জীবনের জোয়ারে ॥

কাইন্দ না মা কাইন্দ না আর বঙ্গ জননী  
তুমি যে বীরপ্রসবিনী গো তুমি শহীদ জননী ॥  
আইজ আনন্দের মহরম মাগো খুশীব আগমনী  
পদ্মার বুকে মিললো আইয়া গঙ্গানদীর পানী  
মরহুম আত্মার করে মোনাজাত বাংলার ভাই ভগিনী  
মুছ মাগো মুছ চক্ষের পানী ॥

কৃতিবাস, চণ্ডীদাস, আলোয়াল একই বৃক্ষের ফুল  
মধু, শরৎ, রবীন্দ্রনাথ, কায়কোবাদ, নজরুল  
এই বাংলা ভাষায় গাইয়া গেল যত আউল বাউল  
( আইজ ) ঢাকার শহরে তাদের সম্মিলনী ॥

যে ভাষায় আমি কান্দি হাসি ভাষা আমার জান  
যে ভাষায় রাখাল বাজায় বাঁশি, মাঝি ধরে টান  
( আজ ) মেশিনগান কি বুখতে পারে আমার বাংলা গান  
জান যাবেতো, যাবে না জবানী ॥

শহীদ স্তম্ভ ভাঙে কারা সাধ্য আছে কার •  
মোদের সিনায় সিনায় উঠে শহীদের মিনার  
সেই মিনারের মোরজীনের নয় জমানার  
শোন ভোরের শোন আজান ধ্বনি ॥

রচনাকাল / ১৯৫২

## হবিগঞ্জের জালালী কইতর

হবিগঞ্জের জালালী কইতর  
সুনামগঞ্জের কুরা  
সুরমা নদীর গাংচিল আমি  
শূন্যে দিলাম উড়া ॥

শূন্যে দিলাম উড়াবে ভাই, যাইতে চান্দ্রের চর  
ডানা ভাইঙ্গা পড়লাম আমি কৈলুতার উপর ।  
তোমরা আমায় চিনুছনি ॥

হাওরের পানী নাইরে হেথায়, নাইরে তাজা মাছ  
বিলের বুকে ডালা মেলা, নাইরে হিজল গাছ  
বন্ধু নাইরে তাজা মাছ ।  
তবু নিদহারা নগরের পথে রাইতের দুপুরে  
মরমীয়া ভাটিয়ালী আমার গলায় বুঝে  
তোমরা আমায় চিনুছনি ॥

এই সুরে আছেরে বন্ধু অশথ বটের ছায়া  
এই সুরে বিছাইয়া দেয়রে শীতল পাটির মায়া  
বন্ধু অশথ বটের ছায়া ।  
এইনা সুরের পালের দোলায়, খুশীর হাওয়া বয়  
এই সুরের দৌলতে আমি জগৎ করলাম জয়  
তোমরা আমায় চিনুছনি ॥

রচনাকাল / ১৯৬২

স্বরারোপ : হেমাঙ্গ বিশ্বাস ও নির্মলেন্দু চৌধুরী

## তোরা বল সখী বল

১

তোরা বল সখী বল বল বল আমারে  
ও কে ঘরের বার, কূলের বার  
করলো নারীরে ॥

ছিল ছায়ায় ঢাকা, পাখি ডাকা মায়ায় ঘেরা ঘর  
স্বামীর সোহাগ ছিল কত সন্তানের আদর  
সেই ঘরে কে আগুন দিল  
সর্বস্ব ধন নিল হরে ॥

ছিল বাংলাবধু বুকে মধু, অমৃতের খনি  
আন্ধার ঘর উজ্জল-করা নীলকান্তমণি  
সেই বুকে কে গরল দিল  
দংশিলো কোন বিষধরে ॥

ওরে হতভাগা দেশবাসী জাগবি কবে বল  
সর্বনাশের রসাতলে সমাজ হইল তল  
দেশমাতা হয় কূলট  
লম্পটের ব্যভিচারে ॥

রচনাকাল / ১৯৪৪

পদ্মা কও, কও আমারে

পদ্মা কও, কও আমারে  
( আইজ ) মন বাঁশুরী কাইন্দা মরে তোমার বালুচরে ॥

পদ্মারে, তুমি আমার ভালোবাসা  
তুমি আমার স্বপ্ন আশা  
কে বলেরে কীঁত্তনাশা কুলভাঙা তোরে  
ও যে-জন ভাঙলো কুল ভাঙলো বাসারে  
সর্বনাশা চিন্‌নিলা তারে ॥

পদ্মারে, পরান মাঝি হাইল ধরিত  
হুসেন মাঝি গুণ টানিত  
ভাটিয়ালী সুব নাচিত ঢেউ-এর নৃপুরে  
কত চান্দ্রের বাঁতি জ্বলতো জলে  
রাইতের নিঝুম আন্ধারে ॥

পদ্মারে, কোন বিভেদের বালুচরে  
তোমার ময়ূরপঙ্খী ভাঙলো ওরে  
কোন কালসাপে দংশিলো তোমার  
সুজন নাইয়ারে  
আজ ভেলায় ভাসে বেহুলা বাংলা  
বধূর বিষের জ্বালা অন্তরে ॥

রচনাকাল / ১৯৫২



মন কান্দেরে পদ্মার চরের লাইগ্যা

আমার মন কান্দেরে পদ্মার চরের লাইগ্যা  
দরদীরে, মন কান্দে পদ্মার পাড়ের লাইগ্যা ॥  
আমার শান্তির গৃহ, সুখের স্বপনরে  
দরদী কে দিল ভাঙিয়া ॥

পানীত কান্দে, পানী খাউরি,  
শুকনাত কান্দে টিয়া  
আমার অভাইগ্যার অন্তর কান্দেরে  
পোড়া দেশের লাগিয়া ।  
দরদীরে, আমার আমগাছে ধরেনি মুকুল  
আমার ঝিঙা মাচায় ফোটেনি ফুল  
আয়নি বকুল তলায়  
আউল্যা চুলে সন্ধ্যা নামিয়া  
গহীন রাইতে একলা ডালে  
দুঃখিনী ডাকেনি পাঁপিয়া ॥

কার্তিক মাসে বুকে ক্ষীর, ক্ষেতের ধানে ধানে  
অঘ্রানে রাক্ষুনী পাগল নয় ভাতের আঘ্রানে ;

দরদীরে আশ্বিন মাসে কত খুশীতে  
ডাইধন আইতো নাইঅর নিতে  
ভরা গাঙে রাঁওলা নাও বাইয়া ,  
আইজ কূলে আমার লক্ষীন্দর  
বিষে অঙ্গ জরজর  
আমি বেহুলা চলছি ভেলায় ভাসিয়া ॥

রচনাকাল / ১৯৫২

## লাল লণ্ঠন নাটকের গান

থিমেই : বুকের পাঁজরে ঢাকা আছে গুপ্তধন  
অগণন বুকের জ্বালায় জ্বলে লাল লণ্ঠন ।

লি-ইউ-হো : আঁধার রাতে ঝড়ো হাওয়া বহে শন শন্ শন্  
হাতে মোর অনিবার্ণ জ্বলে লাল লণ্ঠন ।  
উত্তরে দূর পাহাড়ের গা বেয়ে  
পার্টির দূত নিয়ে দূত  
ট্রেন আসছে ধেয়ে ॥

লি খুড়ি : উত্তাল ঢেউয়ে উদ্দাম  
নিভাঁক নাবিক মন  
হিংস্র ব্যাঘ্র দেখি—  
শিকারীর জ্বলে নয়ন ॥  
এই আঁধারের বক্ষ ভেদি  
বিপ্লব বহিঃশিখা  
জ্বালবে জ্বালবে জ্বালাবেইরে—  
দিগন্তের বন্ধন ॥

থিমেই ॥ আছে অগ্নিনিতি খুড়ো আমার  
( আম র ) অতি আপন জন ।  
তবু তারা যে অচেনা  
কত আছে অগণন ॥  
আপনার চেয়ে আপন  
স্বজনের চেয়েও স্বজন  
তারা সাক্ষা বীর  
আমার বাবার মতন ॥  
তারা যে অচেনা  
( তারা ) নাম না জানার দল  
দেয় মৃত্যুর বুক হানা  
ধীর, স্থির, অচঞ্চল ॥

সমবেত : প্রচণ্ড রোষে ফোঁসে অসন্তোষে  
নির্ধাত্ত জনতা  
বসন্ত বজ্রে গুরু গুরু গর্জে  
ঘোষিল এই বারতা ॥

উত্তরী-পাহাড়ের বীর গেরিলায়  
ঐ শোন আগমনী  
লাল লঠনের আলোর ইশারায়  
দীপ্ত পথের নিশানী ॥

খিমেই : আমি যে বিপ্লবের কন্যা  
আজ আমারে আমি যে চিনি  
শোন শোন রূপকথা নয় সে যে  
লাল লঠনের শোন কাহিনী ॥

বীর গেরিলায় সঙ্গিনী আমি  
এই তো মোর পরিচয়  
মুক্তিফৌজের দৃঢ় পদক্ষেপে  
পৌছাবই লক্ষ্যে নিশ্চয় ।

মহান পার্টির ছত্রছায়ায় পেয়েছি যে চির বরাভয় ।

সমবেত : ইয়াংসীর বুকে যেমন ওঠে ঢেউ  
সে তরঙ্গ বুথতে পারে না তো কেউ  
রক্তের সাগরে ফুটে যে ফুল  
অত্যাচারের খর বন্যায়  
হয় না নিমূল  
সৌরভে আকুল ॥

কোরাস : মহাচীন আমাদের দুর্জয় চীন  
প্রত্যাষ-সূর্যের মতো রঙীন  
ঘোর ঘনঘটা মেঘে আসুক দুর্দিন  
তবু পতাকা রবে চিরউজ্জীন ॥

হোয়াংহোর বন্যায় নেই আর চোখের জল  
কুলপ্লাবী উল্লাসে সমুদ্র কল্লোল  
লাল নক্ষত্রের দেশ ঐ ইয়েনান  
সাম্যবাদের শিখা অনির্বাক  
পথের নিশান  
মোদের পার্টি মহান ॥

রচনাকাল / ১৯৬৯

চারণদলের 'লাল লঠন' চীনা নাটকের বাংলা রূপান্তরের জন্য রচিত ।

## গুলিবিদ্ধ গান যে আমার . .

( খাদ্য আলোচনের শহীদদের উদ্দেশে )

গুলিবিদ্ধ গান যে আমার খুঁজে খুঁজে মরে  
কোন অভাগিনী মায়ের সন্তান ফিরেনি ঘরে  
তারে খুঁজে খুঁজে মরে ॥

সাক্ষ্য আইনের কুটিল অন্ধকারে  
কৃষ্ণনগর হতে যায় যে কোন্‌গরে  
ঘুরে আউলী হয়ে বসিরহাটে  
ইছামতীর চরে  
কারে খুঁজে খুঁজে মরে ॥

কার বুকের ক্ষত হতে রে বন্ধু রুধির আজো ঝরে  
কার দহন জ্বালা ধিকি ধিকি জ্বলিছে অন্তরে রে  
বন্ধু রুধির আজো ঝরে ;  
তাই ঘরে ঘরে নীরব কান্নায়  
কণ্ঠ আমার সুর খুঁজে না পায়  
সে হতে চায় বাজ-বিজুলী কালবৈশাখীর ঝড়ে ;  
তারে খুঁজে খুঁজে মরে ॥

রচনাকাল / ১৯৬৬

## এগিয়ে চল মুক্তিসেনা

( ভিয়েৎনামী মুক্তিকৌজের গান )

এগিয়ে চল মুক্তিসেনা দৃঢ় পদক্ষেপে  
চূর্ণ করি দম্ভশির সাম্রাজ্যশাহী ইয়াঙ্কীর ।  
মুক্তিসেনাদল, প্রবাহিনী নীল মেকং  
ধুম্র পাহাড় ট্রুয়ংসং ঐ হাঁকে বীর ॥

শুরু হলো আখেরী জং  
ঝঞ্ঝা মৃত্যু পায়ে দলি  
দুর্বার চলে ভিয়েতকঙ  
বজ্রশিখায় উদয় আকাশে লিখছে নাম  
মুক্তস্বাধীন ভিয়েৎনাম ॥  
এগিয়ে চল, এগিয়ে চল, এগিয়ে চল ॥

অনুবাদকাল / ১৯৬৬

## এ মাটির এই ধূলিকণায়

এই মাটির এই ধূলিকণায়

কতো রক্তরেখা

এই মাটির এই ঘাসে ঘাসে

ইতিহাস লেখা ।

কতো মায়ের নিদ-হারা রাত আকুল নয়ন

কতো বধূব নিশুতি রাতের গোপন ক্রন্দন

হয়নি মিছে, রচিল সে আমারি স্বপন

ও সে আমারি স্বপন ॥

বারে বারে বন্য এলো ঝঞ্ঝা ঝড় বাদল

এই মাটিকে ভিনিয়ে নিতে বন্য পশুর দল ;

প্রতিরোধে ফাঁসিরমণ্ডে শূনি মাটির গান

নীল সাগরের ওপার হতে ডাকে আন্দামান

আমার মাটি, আমার মা-টি

আমার অভিমান ॥

রচনাকাল / ১৯৬৭

## আমার গাঁয়ের শীর্ণ নদী

( বাংলা-বনগীত )

আমার গাঁয়ের শীর্ণ নদীটির শীতল জলে  
চাঁদের ডিঙি ভেসে চলে  
কূলে কূলে তার কাঁচ বাঁশের ঝাড়  
হেলে দোলে পড়ে চলে ॥

চকিত চাহনি বনের হরিণী বাসুচরে ঘুরে ঘুরে  
ঠমকি ঠমকি, দেখে আপনারে  
ফটিক জলের মুকুরে ।

সেই সে নদীর পিয়ালীর বাঁকেতে  
একটি কুড়ে ঘরে  
সে ছিল মোর নহনের মণি  
ভুবন উজল কবে -  
তোমরা কি জান, কোথা গেল সে  
কোন্ সে অজানা দেশে  
শূন্য ঘাটে আসে না তো কেউ  
কলসী গেল ভেসে ।

তার লাগি কোকিল কঁাদে  
ও ময়না, ময়না ও  
তার লাগি ডাহুক ডাকে  
ও ময়না, ময়না ও  
ও ময়না চাঁদের কণা -  
কই গেলি, কই গেলি, কই গেলি ।  
জীবনের ধন  
তার কথা এই নদীর ঢেউয়ে ঢেউয়ে বলে  
চাঁদের ডিঙি ভেসে চলে ॥

স্বচনাকাল / ১৯৫৮



## মুক্তি শিবিরে হাঁকে বিউগল

সৈনিক, মুক্তিশিবিরে হাঁকে বিউগল  
আহ্বান শোন এই সেনানীর ॥  
তালে তালে ফেল পা বমরেড  
শিরে তব গুরুভার ধরণীর ॥

সংকটে সুযোগের ইঙ্গিত  
গাও সবে ঐক্যের সঙ্গীত  
স্বদেশের স্বাধিকার নহে দূর  
সমাপ্ত শাসকের শয়তানীর ॥

সর্বহারা আজ সেনাদল  
শ্রমিকের পাঞ্জায় তলোয়ার  
জনগণ নহে আর হীনবল—  
দুনিয়ার খুনীদল হুশিয়ার;

মুক্তির ফৌজ চলে টলমল  
প্রতিশোধ জ্বলে চোখে ঝল্‌ঝল্  
শত্রুর সিংহিত শোণিতে  
রঞ্জিত কর ধূলি সরণির ।  
তালে তালে ফেল পা কমে ড  
আহ্বান শোন এই সেনানীর ।

রচনাকাল / ১৯৪২

তোরা যে মাতৃমুক্তি-মন্ত্রী

নিভিছে শিক্ষাদীপ শিখা  
ঘেরিছে তিমির ঘবানিকা  
বিদ্যালয়ে পড়েছে আগল  
কোথারে ছাটদল ।

শাস্তি প্রগতি স্বাধীনতা  
মুক্তভারত জাতীয়তা  
ছাত্রজীবন মর্মকথা  
দহিছে মরণানল ॥

শিক্ষাবিহীন শিশুরা আজ  
গৃহহীন, পরে দীনের সাজ  
একি রে তোমার ভাবী সমাজ  
এরা কি জাতির বল ॥

জন্ম দিল যে আপন ঘরে  
মধু-বক্ষিম শরণে রবিরে  
বর্বরতার অন্ধকারে  
সেদেশ হবে কি তল ॥

তোরা যে মাতৃমুক্তি-মন্ত্রী  
তোরা যে অরুণ উদয়-যাত্রী  
তোরা যে স্বাধীন ভারত শাস্ত্রী  
ভুলিবি কি এ বল ॥

রচনাকাল / ১৯৪০

আমরা যুগের স্বপ্ন ওরে

বীর কিশোর দল

আমরা বীর কিশোর দল ॥

আমরা যুগের স্বপ্ন ওরে আমরা জাতির বল ॥

আমরা দেশের মুক্তি-মুকল,

রক্ত-উষার ফুটন্ত ফুল

সবুজ প্রাণের অবুঝ নেশায় চিত্ত যে চঞ্চল ॥

হতে পারি শিশু মোরা নইতো তবু হীন

মোদের মাঝে লুকিয়ে আছে ভবিষ্যৎ রঙীন ;

দুঃখ নিশায় আমরা দীপ

লাল তারকার পরেছি টীপ

চলার তালে পড়বে খুলে দাসত্ব শৃঙ্খল ॥

ঘরেতে আজ হাহাকার, দ্বারে দস্যুদল

আমরা কিরে দেখব বসে মায়ের চোখের জল ;

চীন রাশিয়ার বীর কিশোর

দেশের লাগি লড়ছে জোর

তাদের হাতে হাত মিলিয়ে লড়ব মোরা চল ॥

রচনাকাল / ১৯৪২

## কাস্তেটারে দিও জোরে শান

তোমার কাস্তেটারে দিও জোরে শান

কিষণ ভাই রে,

কাস্তেটারে দিও জোরে শান ॥

ফসল কাটার সময় হলে কাটবে সোনার ধান

দস্য যদি লুটতে আসে কাটবে তাহার জান—রে ॥

শান দিও, জোরসে দিও, দিও বারে বার

হুশিয়ার ভাই, কভু তাহার, যায় না যেন ধার—রে ।

ও কিষণ তোর ঘরে আগুন, বাইরে যে তুফান

বিদেশী সরকার ঘরে, দুয়ারে জাপান—রে ॥

একতায় ভাই চীনের মানুষ হইল বলীয়ান

ছয়টি বছর জাপানীরে করলো যে হয়রান—রে ॥

এক হয়ে আজ দাঁড়াও দেখি মজুর কিষণ

এক নিমেষে আসবে স্বরাজ, ঘুচেবে অপমান রে

রচনাকাল / ১৯৪২

## উদয় পথের যাত্রী

উদয়পথের যাত্রী  
ওরে রে ছাত্রছাত্রী,  
মশাল জ্বালো, মশাল জ্বালো, মশাল জ্বালো ।  
প্রতপুরীর এই অন্ধকারায় আনো আলো ॥

পিশাচ নিশাচর  
ঘিরিছে চরাচর  
বাণীর পূজারী কঁাদে নিরম্ম বেদনায় হৃৎকর ;  
আলোক মিনারে প্রদীপ শিখারে ওরা যে নিভালো ॥

শিক্ষাবিহীন গৃহহারা যারা কঁাদিছে অঁধারে  
হে প্রগতির সৈনিক তোরা ভুলিবি কি তাদেরে ।

কঙ্কালে প্রাণ দাও  
জীবনের গান গাও  
ভুলি ভেদাভেদ অন্ধআবেগ, হাতে হাত মিলাও  
ধনপাপাসায় মূঢ় হতশায় আগুন জ্বালো ॥

রচনাকাল / ১৯৪৪

## ঘোর তমসা ভেদি

দুঃখের রাতের ঘোর তমসা ভেদি  
স্বাধীনতা দিবস এলো যে ফিরে ।  
শহীদের মৃতপ্রাণ শোন করে আহ্বান  
করাঘাত হানে তব দ্বারে ॥

জাগো জাগো জাগো জাগো দেশবাসী  
শৃঙ্খলিতা ভাবতমাতা কাঁদে মুক্তিপিয়াসী,  
বুদ্ধদুয়ারে স্বপন শিখরে এখনো কি রবে ঘুম ঘোরে ॥

ভারতজাতির যতো স্বপ্নকামনা  
অর্ধশতকের মুক্তিসাধনা  
শ্মশান চিতায় হয় যে বিলীন ক্ষুধিতের ক্রন্দন হাহাকারে ॥

মুমূর্ষু বাংলার এ দুঃখ তাপ  
হত দেশপ্রেমে করে অভিশাপ  
ঘুচাও এ লজ্জা, ঘুচাও এ পাপ, জাগ্রত একতার হাতিয়ারে ॥

রচনাকাল / ১৯৪৪

স্ব : হেমেন্দ্র বিশ্বাস ও নির্মলেন্দু চৌধুরী ।

## প্রাণের বদলে চাই প্রতিদান

একে ঐ ডাকে ঐ,  
ডাকে রামেশ্বর ডাকে মনোরঞ্জন  
কদম রসূল ডাকে, ডাকে ধীররঞ্জন  
ভুলো না, ভুলো না, ভুলো না  
রাজপথে যত রক্তের লিখন ॥

মরণ পারের শোন আহ্বান,  
প্রাণের বদলে চাই প্রতিদান,  
রক্তধারায় দূর হোক ব্যবধান  
হাতে হাতে রাখীবন্ধন ॥

নীল সমুদ্র লাল করে গেল,  
নারিকের রক্তধারা  
তারাও তো শুনেছে আমাদের ডাক  
তারাও তো দিয়েছে সাড়া ॥

খুনীদের সাথে কে চায় আপস,  
জাগত জাতি নয় ভীরা কাপুরুষ,  
লক্ষপ্রাণের পুঞ্জিত রোষ,  
চায় সে যে অস্তিম রণ ॥

রচনাকাল / ১৯৪৬

দূর : পথের চক্রবর্তী।

## মিলিত প্রাণের রুদ্ধ দেউলে

ভুলি নাই, ভুলি নাই,  
অন্ধকারার বন্দী আলো-কমল,  
তোমাদেরে ভুলি নাই  
মিলিত প্রাণের রুদ্ধ দেউলে,  
অর্ধ-দীপ জ্বালাই ।

তোমাদের যত শৃংখল ভার,  
মোদের গলার হল মর্নিহার,  
অগ্নিবীণায় যে গান গাহিলে  
সে গান আজিও গাই ॥

তোমাদের প্রিয় জন্মভূমি ধূলায় লুপ্তিত,  
ক্ষুধিত, ক্রিষ্ট মানবতা পীড়িত, লাঞ্ছিত

সাগরের পারে শূনি জয়গান,  
হেথায় তবুও জাগেনাতো প্রাণ,  
প্রাণের প্রদীপ কে জ্বালিবে ওগো  
তোমাদের পথে চাই ।

রচনাকাল / ১৯৪৬

স্বর : পরেশ চক্রবর্তী



তব মৃত্যু এনেছে বরাভয়

তব মৃত্যু এনেছে বরাভয়  
নাহি ভয়, নাহি ভয়, নাহি ভয়  
রক্ত-সায়রে ফোটে জীবন কমল  
ঘাতকের হলো পরাজয় ॥

বৃগসঙ্ঘার তোরণ তলে  
শত শহীদে প্রাণ-দীপালী জ্বলে  
মহামরণে এলো মৃত্যুঞ্জয় ॥

নাহি ভয়, নাহি ভয়, নাহি ভয় ॥

বক্ষে পঙ্করে বেঁধে দিল মুক্তির পথ  
লক্ষ বাহুর টানে চলে তাই জীবনের রথ.

মিছিলের কণ্ঠে শপথ কঠিন  
দু'শতকের পরিশোধ হবে ঋণ  
মৃত্যু বিহীন মহামানবের জয় !

রচনাকাল / ১৯৪৬

## আজব দেশের আজব লীলা

আজব দেশের আজব লীলা কোন যুগে হুনছনি সজনি  
হৈরর তেল কোন দেশ গেল খবর জাননি ॥

দিগ্ভীশ্বরের লা বাদশা ফরমান করিলা  
দরবেশী নাচ নাচবা তাইন্ বকলরে জানাইলা  
কত দাওয়াত ভেঁলে

মরি হায়, হায় হায়, হায়, রে  
হাজার মন তেল পুড়িব দেখতে রাজার নাচুনী ॥

রাধার এক হাতেতে বাঁশী আর, আর হাতেতে অসি  
বাঁশীর টানে নেতাগণে লাগায় প্রেমের ফাঁসি  
মুখে কিবা মধুর হাসি  
মরি হায় হায় হায় হায় রে  
আর হাতেতে অসির টানে গরীব দুঃখীর কোরবানী ॥

ফেরেঙ্গীর খেল শেষ হইল না আরেক নতুন ঢং  
বিলাত খনে আইলা উড়ি তিন বিলাতি সজ্জ  
মুখে কতই রজ্জ্ চজ্জ্  
মরি হায় হায় হায় হায় রে  
যেন শ্রীদাম সুদাম সঙ্গে লইয়া আইলা যদু কুলমাণ ॥

নয়াদিল্লীর বৃন্দাবনে যত কলির গোঁফননী  
কদমতলায় নতুন খেলায় জুঁলো ওখনি  
শ্যামের কিবা বংশীধ্বনি  
মরি হায় হায় হায় হায় রে ;  
নয়া পীরিতে মন ভাঙ্গাইতে তেলের হইল টানাটানি ॥

স্বরাজের গাড়ি তৈয়ার হৈল জুড়িল বলদ  
চাক্কাতো চলে না চাচা বিসমিল্লায় গলদ  
আরে হায় কি আপদ  
মরি হায় হায় হায় হায় রে  
গাড়োয়ান যত তেল ঢালে ততই চাক্কার কেচ্কেচানি ॥

তেলের কিছা হুনলায় এখন নাকো তেলদিঁ ঘুমাও  
হৈরর তেলর লাগি কেনে কেচমেচি লাগাও  
মিছা সরকাররে দগ্ধাও  
মরি হায় হায় হায় হায় রে  
তোমরা এইলায় বরাজের বলদ চোখ বুজিয়া টান ঘানি ॥

রচনাকাল / ১৯৪৭

## তেলেঙ্গানা তেলেঙ্গানা

তেলেঙ্গানা, তেলেঙ্গানা ॥

চিংকাং পাহাড়ের অগ্নিশিখা দিয়েছে ছানা ॥

হাতে আছে রাইফেল, পেটে নাই দানা ॥

তেলেঙ্গানা, তেলেঙ্গানা ॥

পোড়া মাটির পিয়াসা

শতকের পিয়াসা

ঘূর্ণিপাকে দিল, ঝড়ের আশা

বসন্ত বজ্জে তারই ঘোষণা ॥

তেলেঙ্গানা, তেলেঙ্গানা ॥

রচনাকাল: ১৯৭৯

‘তেলেঙ্গানা’ নাটকের জন্মে রচিত। ‘লাইম লাইট’ এই নাটকটি মঞ্চস্থ করেন।

## হারাদান রঙমন কথা

রচনা : ভূপেন হাজারিকা ও হেমাদ বিশ্বাস

হারাদান : হেমাদ বিশ্বাস, রঙমন : ভূপেন হাজারিকা

সুর : বিহু-ভাটিয়ালী

আসামের বসন্ত উৎসব, রঙালী বিহু। মাদারের কাঁটা ডালে, 'বিরিকা' পাভার ও 'জৈবেলী লতার' রঙের হোলী। পাড়ে পাড়ে মহিষের শিং এর পৈঁপা বাঁশীর সুরে, বাঁশের টকা ও ঢোলের তরঙ্গে বিরতিহীন বিহুনাচে 'বুড়া লুইত'-এ (বৃদ্ধ ব্রহ্মপুত্রে) আসে বৌবনের উজ্জ্বাস। তাঁতশাল থেকে বেরিয়ে আসে ঘুঘুতী। মাঠের যুবক ডাকে শুনিরে গান ধরে—

ঘরত্ নবহে মন সমনীয়া পথারত্ নবহে মন  
কমুয়া তুলাবোর যেনে কৈ উড়িছে তেনে কৈ উড়বর মন।

(ঘরে ও বসে না মনরে, সাথী পাথারে বসে না মন  
ফাটা-শিমূল যেমনি উড়ে তেমনই উড়ার মন।)

বহুজাতি উপজাতি অধ্যাবৃত ব্রহ্মপুত্র উপত্যকার শ্রেষ্ঠ উৎসব বিহু। কৃষি-কেন্দ্রিক সমাজের ইলিত কসলের প্রাচুর্যের ঐক্যজালিক অনুকৃতি বিহুনাচে; ঢোলে বাজে বৃষ্টি—ওঠে বজ্রের পর্জন। দেহতত্ত্বিমার ঝড়ো বাতাসের কসলের হোলা—

পদ্মাপাড থেকে উজ্জ্বল ঠেলে আঁপে হারাদান ব্রহ্মপুত্রের চরে। জমি জমা ভিটাবাড়ি সব দিগে এলো—হারাদান তার সেলামী। গাধীর কৃষক হারাদানের নতুন নামকরণ হল 'রিফিউজি' বা 'ভগনীয়া'। আসামের কৃষক বণ্ডমনের রেহচারায় নতুন সব বাঁধে হারাদান। নতুন কসলের মত্রে হল রাধীবন্ধন। ভাটিয়ালীর হারাদানো রেশ এসে মিশে যায় বিহু গীতের কোমল নিখাদে। মাটির দাবী ও কসলের অধিকারে তারা দু'জন মিলিত হ'ল ঐক্যবদ্ধ সংগ্রামে। শাসক ও শোষক প্রমাদ গোন। উদ্ভাদ জাতি-বিষেযের বিষ ছড়াতে লাগলো তাদের কুটচকী মুখ-পাত্রায়। আজবাতী আত্মবক্তে কলঙ্কিত হয় আসামের শ্রামল মাটি। হারাদানের ছোট কুটির জম্মীভূত হয়। কিন্তু অসমীয়া কৃষক রঙমনের মনকে কেউ বিধাস্ত করতে পাবেনি। হারাদানের পোড়ামাটিতে এসে দাঁড়িয়ে বলে—'আমি আবার তোমার ঘর বেঁধে দেবো'। রঙমন বেদনাত্ত বিহু সুবে গান ধরে—

মনরে 'ঘননীর চেনে' হয় নিজরার পানীকে এটুপি পিঁউ।  
পুরাকোই ভেটিতে ভূমি ধরে বান্ধা আমি তঙাল তোলাই দিঁউ।

(মনের বর্নের ঝর্ণা জলের চলো একবিন্দু খাই  
পোড়া ভিটেয় বাঁধি ঘর হাতে হাত মিলাই)

হারাধনের নিবুদ্ধ কণ্ঠে ভাটিয়ালী ভেসে পড়লো—

আবার আমি বাক্সু ঘর, আবার গাইনু গান  
দুঃখে যদি পাষণ গলে, গলবে কি পরাণ ।

রঙমনের গানে অপরাঙ্কেয় মানবতা প্রতিধ্বনিত হল—

‘লুইতর চাপরিত চাকৈয়ে কান্দিলে মানুহর নাও খোণ চাই  
মানুহর দুখতে মানুহ বুরিব আনকহোন দোষিবর নাই ।

(চখা কাঁদে চখী কাঁদে ব্রহ্মপুত্র চরে  
নিজের হাতে ডুবিয়ে ‘নাও’ মানুষ ডুবে মরে)

এবার হারাধন গায়—

পদ্মার তুফান উড়াইয়া নিলো আমার সুখের ঘর  
উজান ঠেইল্যা আইলাম আমি লুইতের চর ।  
আমার ভাঙ্গা নাওয়ে বন্ধু তুমি দিলাম পাল  
আমি ধরলাম বৈঠা বন্ধু তুমি ধরলায় হাল ।

এ মিলন গাঙে আনলো বলে কে বিভেদের বান  
চর ভাঙ্গিল ঘর ভাঙ্গিল ডুবলো সোনার ধান ।

আমার দেহে বৃষ্টি শুকায়

রক্তকণায় সুরুষ ঘুমায়

হালের খুটি মুঠি শোভায়

তবু কেন উপবাসী

নিজ দেশে পরবাসী

সমনীয়া বলো না আমায়

রঙমন উজর দেয়—

‘ভাষা নবুজিও যুগে যুগে আছে মানুহে মানুহর পিনে  
মরমর ভাষারে আশ্বর নাইকিয়া বুঝিব খুজিলেই চিনে ।

ভাষা না জেনেও মানুষ পেয়েছে মানুষের অন্তর  
ভালোবাসার নাই যে ভাষা, নাই কোন আখর)

‘গঙ্গার চাপির তলিতে দেখিবা লুইতর পলসো আছে  
তোমারে মোর আইয়ে কান্দিলে একই চোকু পানী মোড়ে

‘গঙ্গা গর্ভে ব্রহ্মপুত্রের পলিমাটি পড়ে  
তোমার আমার মনের কল্যাণ এক’ অশ্রু ঝরে।

তুমি এ মোয়ে দেশখন গাড়াতে যদিহে কেচা ঘাম সরে  
দুখোর ঘামেরে মিলনে দেখিবা বুরঞ্জী রচনা করে ।

(তুমি আমি এক) ঘামে একই শ্রমের দাস  
সেই ঘামের মিলনে চলে গাড়ি ইতিহাস ।

শাবপব দুজনে মিলিত কণ্ঠ গান ধরে :

“এনেনু দুখে লাগে বাঁকে, এনেনু দুখে লাগে”

“এমন দুখে লাগে ব বন্ধু,

এমন দুখে লাগে

অতীত দিনের মিলন স্মৃতি

যখন মনে জাগে ॥

তুমি ছড়ালে বাঁজ বন্ধু, আমি কাটলাম আলি

একই সঙ্গে ঘরে আনলাম সোনালী বৃশালী ।

কিন্তু বিচ্ছেদই শেষ কথা নয়, আবার আমরা মিলন-বিহীন বসন্তোৎসবে  
নতুনদিনকে আনবো ।

“এনেনু ভাল লাগে বাঁকে, এনেনু ভাল লাগে”

এমন ভাল লাগবে বন্ধু

এমন ভাল লাগে ।

তুমি নাচ বিহু নাচ আমি দিব তালি

ঐক্যতানে মিলে যাবে বিহু-ভাটিয়ালী  
দেশকে আবার গড়বো মোরা বুকের মরম ঢালি ॥

“.....বখন অসমীয়া-বাল্মীকী বিহুঘেৰ বিষ বন্যায় একটা সুসত্য ও যাবোন  
জাতিৰ সম্মান ধূলায় লুটিয়ে পড়ার উপক্রম হয়েছে, অসমীয়া-বাল্মীকী পবম্পরের প্রতি বিশ্বাস  
হারাচ্ছে তখন বংসের সাথে শঙ্কস্বনীর মতো শোনা গেছে.....ভারতীয় গণনাট্য সংঘেব  
খ্যাতনামা কর্মী ও শিল্পী হেমাল বিশ্বাস, সুপরিচিত গায়ক ও চলচ্চিত্র পরিচালক ডাঃ ভূপেন  
হাজৰিকার উদ্যোগে শান্তি ও সম্প্রীতির গান 'নয়ে এক সাংস্কৃতিক অভিযাত্রী দল আসাম  
পরিষদে অগ্রসর হয়েছেন।’.....স্বাধীনতা, ২ সেপ্টেম্বর, ১৯৬০।



পরিশিষ্ট



প্রতিধ্বনি শুন, প্রতিধ্বনি শুন  
মোর গাঁয়ের সীমানায় পাহাড়ের ওপারে  
নিশীথ রাত্রির প্রতিধ্বনি শুন ॥

ওপারে ঐ কিসের সাড়া বুঝিতে না পারি  
প্রাণে আমার দিলো দোলা ঢেউ যে এনে তারি  
কেমন করে ডিঙাব এই পাহাড় সারি সারি  
সুদূরের ঐ আওয়াজে স্বপ্নের জাল বুনি ।

হয়ত বা কোনো গাঁয়ের বধূ হৃদয় ভাঙাকথা  
হয়ত বা কোনো ঠাকুরমার রাতের রূপকথা  
হয়ত বা কোনো কিশোরের মাটির ব্যাঙুলতা  
চেনা চেনা সুর সে যে তবুতো না চিনি ॥

উঠলো নতুন সূর্য আবার রাঙা রোদ পড়ে  
সামনে যত কুয়াসা ঘোর ভয়ে দূবে সরে  
নয়ান্ধ জেগে ওঠে মাইল ডাক ছাড়ে  
আওয়াজে তার হাজার হাজার পাহাড় ভেঙে পড়ে  
জনতা সমুদ্রের কোলাহল শুন ॥

থাকিলে ডোবাখানা হবে কচুরিপানা  
বামে হরিণে খানা একসাথে থাকে না  
স্বভাব তো কখনও যাবে না ॥

জলের স্বভাব যেমন ধারা নিম্নদিকে ধায়  
আগুনের স্বভাব যেমন সর্বকিছু পোড়ায়  
ছারপোকারই স্বভাব যেমন রক্ত চুষে খায়  
থাকে না ধরিলে বস্তু কাটে উইপোকায়  
পাতিকাক পুষে ঘরে, যতই পড়াও না তারে  
সে শুধু কা কা করে কৃষ্ণ বলে না ॥

সাপের স্বভাব যেমন মারে বিষাক্ত ছোবল  
ছেলে ছোকরার স্বভাব যেমন পাকায় গুগোল  
বিড়ালেরই স্বভাব যেমন হাঁড়ির পানে চায়  
কখন শিকে পড়ছে ছিঁড়ে তারই লালসায়  
বুনো ওল খেলে পরে, গলাটো কিটু কিটু করে  
যেমন সিঁধেল চোরে পড়লে এরা কবুল করে না ॥

জমিদারের স্বভাব করে চাষীর সর্বনাশ  
খাতা ব্যবসায়ীদের স্বভাব খোঁজে চৈত্ৰমাস  
ধনীর স্বভাব গরীব মারার কলকাঠি বানায়  
ওরা বিভেদ বিঘের আগুন নিয়ে খেলছে এ বাংলায়  
সেদিন ঐ বাগমারীতে, বাঙ্গালী পাপ্রাবীতে  
ছিল লাগ্ লাগ্ লাগ্ লাগিয়ে দিতে চিত্তেতে বাসনা ॥

ভণ্ডযোগী জটাধারী তিলক ফোটা গায়  
ওরা গণতন্ত্রের মন্ত্র নিয়ে ডুগডুগি বাজায়  
ওদের মুখেতে অহিংসার মন্ত্র, হাতে শিশুর খুন  
ওরা গুণীর গুণী গুণগুণাগুণ গাইতেছে রামধুন  
গুণীর বেগুন কাটে, জনগণ তুলবে লাটে  
চলছে মাঠে ঘাটে তারি প্রস্তুতি জম্পনা ॥

কথা শুধু : স্তব্ধসঙ্গ পাল ।

ওরা আমাদের গান গাইতে দেয় না  
 নিগ্রো ভাই আমার পল্ রোবসন ।  
 আমরা আমাদের গান গাই ওরা চায় না ওরা চায় না  
 নিগ্রো ভাই আমার পল্ রোবসন ॥

ওরা ভয় পেয়েছে রোবসন  
 আমাদের দৃষ্টকণ্ঠে ভয় পেয়েছে  
 আমাদের রক্তচোখে ভয় পেয়েছে  
 আমাদের কুজকাওয়াজে ভয় পেয়েছে. রোবসন  
 ওরা বিপ্লবের ডম্বুতে ভয় পেয়েছে—রোবসন  
 নিগ্রো ভাই আমার পল্ রোবসন ॥

ওরা ভয় পেয়েছে জীবনে  
 ওরা ভয় পেয়েছে মরণে  
 ওরা ভয় করে সেই নৃত্যিকে  
 ওরা ভয় পেয়েছে দুঃস্বপনে ॥

ওরা ভয় পেয়েছে রোবসন  
 জনতার কলোজ্বাসে ভয় পেয়েছে  
 একতার তীব্রতায় ভয় পেয়েছে  
 হিম্মতে শক্তিতে ভয় পেয়েছে, রোবসন  
 ওরা সংহারের মূর্তি দেখে ভয় পেয়েছে রোবসন  
 নিগ্রো ভাই আমার পল্ রোবসন ॥

ফিরাইয়া দে দে মোদের কাইয়ুর বন্ধুদেরে  
 মালবারের কৃষক সন্তান  
 (তারা) কৃষক সভার ছিল প্রাণ  
 অমর হইয়া রহিবে মোদের দেশের দেশের অন্তরে ॥

কৃষক মাগের রা তে ইজ্জত মান  
 তারা ফাঁসিকাঠে দিলো প্রাণ  
 ফিরিয়া পাবোনা মোদের কাইয়ুর বন্ধুদেরে ॥

লজ্জার কথা থুইবোরে কোথায়  
 তাদের বাঁচাইতে নারিলাম হাঙ্গ  
 ছাইড়া দিতে বাধ্য করতে নারিলাম দেশের অধ্যক্ষ সরকারেরে

শোনরে মোদের কৃষক সন্তান  
 শোনরে মোদের দেশপ্রেমী সন্তান  
 শোনরে মোদের বীরের মাগের প্রাণ  
 (তারা) অক্ষমতার দেরে প্রতিদান  
 ফিরাইয়া দে তাদের হাজারে হাজারে ॥

চাব কাইয়ুরের বদলে আজ ভাই  
 মোদের হাজার হাজার কাইয়ুর চাই  
 ফিরাইয়া পাবো মোদের কাইয়ুর শহীদদেরে ॥

চেউ উঠছে কারা টুটছে আলো ফুটেছে পাণ জাগছে  
 গুরু গুরু গুরু গুরু ডম্বরু পিনাকীর  
 বেজেছে বেজেছে বেজেছে  
 মরা বন্দরে আজ জোয়ার জাগানো চেউ  
 তরণী ভাসানো চেউ উঠছে ।

শেষের চাকা আর ঘুরবে না ঘুরবে না  
 চিম্নিতে কালো ধোঁয়া উঠবে উঠবে না  
 বল্লারে চিতা আর জ্বলবে না জ্বলবে না  
 চাকা ঘুরবে না চিতা জ্বলবে না, ধোঁয়া উঠবে না  
 লাখে লাখ করতাল হরতাল হেঁকেছে  
 হরতাল হরতাল হরতাল  
 আজ হরতাল আজ চাকাবন্ধ ॥  
 গুরু গুরু ডম্বরু.....

জ্বানি পারবে না ভোলাতে মধুমাখা ছুরিতে  
 জনতাকে পারবে না ভোলাতে  
 আর পারবে না দোলাতে মরীচিকা মাখাতে  
 বিভেদের ছলনায় ছলিতে ॥

সিঁহিলের গর্জনে দুজয় শপথে গড়ে ও গজে  
 আজ হরতাল, আজ চাকাবন্ধ ॥

ବୀର ପ୍ରଧାନ ଓ, ବୀର ପ୍ରଧାନ ଓ  
 ଦୀର୍ଘାଳିଂ କୋ ଚିହାବାଡ଼ି ସରମାୟାଦାର କୋ ଥିଲେ  
 ଲଢ଼ିଲେ ପଡ଼ିଲେ ଭଲେ ବାଟେ ତିମିଲେ ଦିଆରେ  
 ତେଇ ଭୋକ୍କୋ ଲଢ଼ାଇ ଓମା ଭୟ ଶହୀଦ  
 ତିମଲାଇ ଲାଲ ସେଲାଇ ଛ ॥

ରକ୍ତ ବର୍ନାକୋ ଝାଞ୍ଜା ହାୟରୋ ଏକତା କୋ ନିଶାନ  
 ଏ ଝାଞ୍ଜା ମୁନି ସୋତେକାଛୋ ବୀର ପ୍ରଧାନ ।  
 ତିମଲାଇ ଲାଲ ସେଲାଇ ଛ ॥

ଲିଟଲ ଥିରେଟାର ଶ୍ରୁଣ କର୍ତ୍ତୃକ ଅଭିନେତ "ତୀର ନାଟକେର ମାମ" । କଥା : କାଲୁ ସିଂ ।  
 ସୂର : ହେମାନ୍ତ ବିହାରୀ ଓ କାଲୁ ସିଂ



দূরে দূরে বনবারে সারি সারি গ্রামরে  
ঝোড়ো হাওয়া শন্থানিয়ে বয়  
চাঁদনী রাতে মাদল কে বাজায়  
ধিতাঙ্ক্ ধিতাঙ্ক্ ঐ শোনা যায় ॥

ও শালমহুয়ার বন মাতাল করে মন  
কেন বিষাদী গান গায়, গায় গো  
গহন আঁধার চিরে কি যে সুর ভেসে আসে  
পবনে কঁাদন কেন বয়, বয়গো  
নিবন রাতে সন্তান মায়ের বুকে কেন  
দুপের জাগি শুধুই কঁাদে হাস ॥

দূরে দূরে বনবারে কারা যে যায় গো  
লাল নিশানের ঝোড়ো হাওয়া বয় ॥

ধান কাটি কাটি চল ধান  
ধান কাটি কাটি চল ধান  
ও জমিদারে দেবো না মোর বোনা ধান  
ঘুন-ভাঙা গান মোদের লেগায়, ভাই গো  
মহাজনে দেবো না মোর বউ-এর মান  
দুখের বাছা কঁাদবে না অধাষ, হাস গো  
দুঃখের আঁধার ফাটে দূরে নীলনগর  
মুন্সির গান ঐ শোনা যায় ॥

মোর জান প্রাণ ঐ লাল ধান আহা রে  
 চল ভাই সব কাস্তে হাতে খামারে ।  
 লাগরে সবাই কোমর বেঁধে বাহারে  
 তোল ধান সব লক্ষ হাতে খামারে ।  
 পোষের এই শিশির ভেজা ভোরেতে  
 চল ভাই সব কাস্তে হাতে খেতেতে ॥  
 ও বউ শোন আলপনা দে দুয়ারে  
 তুলবো ঘরে সোনার দানা এবারে ॥

সব সনে এই ক্ষেতে সব জনে এই হাতে  
 বুয়েছি এ ধান মাঠে  
 পাইনিকো এক কণা, রঙেতে ধান বোনা  
 জান গেছে মান গেছে এই কথা তুলব না  
 জীবন কেটেছে বড় দুঃস্বপ্নে ॥

পোষের এই শিশির ভেজা ভোরেতে  
 রোদেতে, ঝড়েতে, জলেতে, জারেতে  
 ফলাই সোনা মাটির বুকে  
 সইব না সইব না, এই মাটি এই সোনা  
 শেষ লড়াই লড়বো মোরা ফিরব নায়ে ॥

কথা ও সুব : মখনাদ ।

মেদিনীপুর জেল থেকে রক্ষিতা স্বর্গালপিসহ এই গান দুটি ‘মাস সিঙ্গামে’ কাছে পাঠান

মূর্থ গদীদাল হামরাগুলা ভাঙাইয়া গান গাই  
 হালবাড়ির কামাই সারি দূতরা ডাঙাই,  
 সুখদুঃখের কথা যে লায় মনতে পড়িল  
 চটকা সুরে দূতরা ডাং বাজিয়ে উঠিল ॥

স্বাধীন হইনু, ঘর হারাইনু, নাই আর ভিটামাটি  
 পরর ভুঁইয়ৎ ঘর বাঁধিয়া পরর ভুঁইয়ৎ খাটি,  
 দিনমানে সেই আড়াই টাকা মজুরী পাইয়া  
 মাইয়া ছাওয়ায় বুটি চাবাই আন্ধারৎ বসিয়া ॥

হামি হয়তো মরি যাইম (ভাই) না বাচিম বেশীদিন  
 ডাক্তারবাবু কইছেন হৃদরোগ বড়ই কঠিন ।  
 গান কবিতা বন্ধ হইল মোর আসর করা মানা ।  
 কেমন করে গান করিম ভাই হইলরে ভাবনা ॥

ভাবিনু না হয় ছাপি দিম যষ গান দুচারখানা  
 সেস্মারে কাটিয়া গানের ভাব রাখিল না ।  
 মনের আগুন চোখের জলে নিভানোর কথাখানা,  
 সেস্মারে কর আগুন শব্দ বলাবে চলিবে না ॥

আগুন বাদ দিয়া শুধু জল দিয়া কেমন করে গান গাই.  
 ভাবে বুঝিনু দুঃখ পাইলেও বলিবার উপায় নাই ।  
 হামার গান তোমরা ভাইরে সাক্ষ ধরি নিও.  
 সময় এলে আগুনে গান হাজার কষ্টতে গাইও ॥

শতফুল বিকশিত হোক

যত আগাছা নিমূল হোক

মোরা ধুবকেরা সকালের দূর্য

জেনো আটটা নটার পৃথিবীতে আনবই

নতুন এক বসন্ত ॥

দুঃ জনগণ ভরিয়ে দেবে

পৃথিবীতে দুষ্ট বাতাস

যেখানে নারীরা থাকবে জুড়ে

পৃথিবীর অর্ধেক আকাশ ॥

হুঁশিয়ার

ও সাথী কিষাণ মজদুর ভাইসব হুঁশিয়ার ॥

ঐ মৃত্যুর বিভীষিকা ছড়িয়ে ছড়িয়ে  
গ্রাম জ্বালাতে জ্বালাতে মাটি  
হিংস্র সাপের সারি তুলেছে ফণা  
কেড়ে নিতে বাঁচাবার লড়াবার অধিকার  
রঙে রঙে বোনা ফসলের অধিকার  
সাথীদের খুনে রাঙা পথে দেখ  
হাযনার আনাগোনা ॥

জানি পাববে না, কেড়ে নিতে অন্যতার অধিকার  
(পাববেনা, কেড়ে নিতে পাববে না)  
প্রাপ্ত অন্যতার বোঝানলে তাই হবে  
পুড়ে যাবে শত্রুর শাণিত ফণা ।  
তাই আহ্বান দিকে দিকে—নয় ভয় দেবী নয়  
সময় তো নেই আর ভাংবে—  
জোটটাকে আমাদের ইঙ্গিত করে গড়ে  
তুলে নাও হুঁশিয়ার তাইবে  
আজ হুড়ে ফেল দুঃহাতে চক্রান্তের গুল  
বিভেদের কুমন্ত্রণা ॥

জানি জ্বলছে জ্বলছে শত্রু আগ্র পাহাড় বুকে  
চক্ষে চক্ষে জ্বলে তীব্র ফণা,  
সাথীদের খুনে বুকে উল্লা জ্বালায় দাহ  
রক্তিম শপথে যে চরা চেতনা ।  
এই আহ্বান -  
ও সাথী কিষাণ মজদুর ভাই শোন আহ্বান ।  
তাই আহ্বান দিকে দিকে নয় আর দেবী নয়  
সময় তো নেই আর ভাংবে  
জোটটাকে আমাদের বজ্রকবিন বরে

তুলে নাও হাতিয়ার তাইরে ।  
আজ কালজয়ী সংগ্রাম শুরু করে বন্ধুরে  
হেঁকে বল সইবো না আর সইবো না  
সাথীদের খুনে রাঙা পথে পথে  
হায়নার আনাগোনা  
আর সইবো না ॥

কমরেড শোন বিউগ্‌ল ঐ হাঁকছে রে  
 তোলা কাঁধে নে জঙ্গী হাতিয়ার  
 আয় আজাদীর জং লড়ি চল ডর ছেড়ে  
 চল এগিয়ে রাস্তা করি বার ॥

দীন মজুরের ঘরে যে তোর জনম ভাই  
 খুন বিকিয়ে ভুখ মেটে না তোর  
 ভাই বাদারী দোস্ত একাই আজাদী  
 এই লড়াইয়ের কায়দারে মজদুর ॥

হুকুমতের তক্ত জুড়ে রয় ধারা  
 কিসের জোরে লাল করে ভাই আঁখ  
 কামান কার্তুজ আর বেয়নেট  
 আমরাই তো গড়ি লাখে লাখ ॥

ভুখশেকলের শস্ত বাঁধন তোর তরে  
 ছাড় দেখি ভাই দীন-ভিত্তারীর ভেক্  
 উড়ারে আজ লাল ঝাণ্ডা দিল ভরে  
 আজাদী ঐ দোরগোড়ে তোর দেখ ॥

অনুবাদ : জ্যোতির্ময় মল্লী

অক্টোবর বিপ্লবের বিখ্যাত গান Comrades, the bugles are sounding-এর অনুবাদ।

অনুবাদকাল ১৯৬৩

## আন্তর্জাতিক

জাগো জাগো জাগো সর্বহারা  
অনশন বন্দী কৃতদাস,  
শ্রমিক দিয়াছে আজ সাড়া  
উঠিয়াছে মুক্তির আশ্বাস ।  
সনাতন, জীর্ণ কু-আচার  
চূর্ণকরি জাগো জনগণ  
ঘুচাও এ দৈন্য হাহাকার  
জীবন মরণ করি পণ ।  
শেষযুদ্ধ শুরু আজ কমরেড  
এসো মোরা মিলি একসাথ  
ইণ্টারন্যাশনাল  
মিলাবে মানব জাত ॥

অনুবাদ: মোহিত বন্দোপাধ্যায়

বিশ্বের প্রথম শ্রমিকরাষ্ট্র ১৮৭১ সনের রক্তাক্ত প্যারী কমিউনের গর্ভজাত এই সংগীত ।  
কমিউনে অংশ গ্রহণকারী-শ্রমিক কবি ইউজেন পোহ্লিয়ের এই গানটি রচনা করেন । সুর  
সংযোজনা করেন কমিউনে অংশগ্রহণকারী বিপ্লবী সুরকার পিয়ের দেগতার ।